

Don Pincho

Dialuna, 18 mei 2015

- Sopi di dia
 - Carni Stoba
 - Nasi Goreng
cu pia di galiña
- Special: f 9.75 + f 14.50
☎ 585-8459

Rowigini's Plaza, St. Cruz



Dialuna Mei 18 2015 -Edicion-8 Vol.194892 Sta.Cruz #110
Tel: 585-9500 Fax:585-0951 - E-mail: solodipueblo@gmail.com

1.50

Urataca Center

Dialuna 18 di Mei 2015:

Spare Ribs cu SnijbonenStoba,
Aroz, Banana & salada

Fl. 10

Tel: 585-5212



Minister Arthur Dowers:

LO BAY PROHIBI AUTO CU STUURWIEL NA MAN DRECHI

Polis mester investiga e caso... y pueblo te tribunal:

Mike Eman cu director di WEB, sr. Boekhoudt a bati otro

Dos declaracion completamente controversial

Cuerpo Policial:

Curpa sin bida haya na Piedra Plat

Ta trata di Aart D.N. Nagtegaal, naci na
Rotterdam dia 12 di Februari 1954



ARUBA TA SPIERTA DEN E 'REALIDAD NOBO' CU MEDIDANAN CRUEL

Tin alternativa: manda dos minister
cas!

A yuda aeropuerto despues pa haci
pista limpi

Cuerpo di Bombero a activa mesora pa avion cu "leak" den motor



Hopi a cambia opinion...

Bishita di Nelson English a causa hopi reaccion

Opinion publico a cambia: SI, NOS POR
HABRI REFINERIA BEK!



Alto Comisario di Polis, mr. Dolfi
Richardson

Integridad di nos Cuerpo Policial no tin un prijs!

Lo haci tur locual ta necesario pa
mantene e bon nomber di Polis



Turismo Crucero ta sigui den crisis den aña 2015!

BINGO PA DIA DI TATA

DIABIERNA 19 JUNI 2015

CLUB TRAPPERS

HOPI PREMIO, FESTIVAL DI SOPPI Y ENTRETENIMIENTO
MAS DETAYES LO SIGUI PRONTO!

Opinion Publico FALTA SPLICACION TOCANTE AZV

Awor cu Gobierno a cambia e BAZV (health-tax) ta bon pa ciudadanonan cu ta aporta financieramente na AZV haya un splicacion mas detaya di e entradanan di AZV. Pueblo kier sa si ta doñonan di trabao y trahadornan so ta aporta financieramente na AZV. Por a comprende for di un articulo den "PULSO AZV" di Maart 2015 cu e entradanan di AZV ta bin di "health tax", di "contribución di Gobierno", di "prima" y di "otrotonan". Según por a comprende den prensa e "health tax" ta bin un percentahe di venta di loke pueblo cumpra den comercio; e "prima" ta bin di donjonan di trabao y trahadornan, e "contribución di Gobierno" lo ta bin for di entradanan di Gobierno y e "otrotonan" ta laga pa AZV splica. Loke definitivamente no ta suficiente cla pa e pueblo ta e pregunta si Gobierno ta pagando aparte di e "contribución di gobierno", tambe e prima cu doño di trabao mester paga (su parti den e prima mas e prima di su empleadonan). Gobierno ta pagando

tambe pa e servicio extra cu su empleadonan ta haya di AZV compara cu loke e ciudadano común ta haya di AZV? Lo ta di aprecia si tin un instancia of persona cu por duna un splicacion comprendibel y detaya pa di e manera ey pueblo ta mihor informa. E preguntanan specifico ta: Gobierno ta pagando su parti di prima y tambe parti di prima pa su empleadonan manera otro doñonan di trabao (e parti aki di Gobierno ta inclui den entradanan di AZV bao "prima")? Gobierno ta pagando pa e servicio extra cu su empleadonan ta haya di AZV (esaki ta inclui den entradanan di AZV bao "prima" of bao "contribución")? Te awor aki tur loke Gobierno mester paga como doño di trabao y pa e extra servicio cu AZV ta duna na empleadonan publico ta parti di e "contribución di Gobierno" of e "contribución di Gobierno" ta encera solamente e parti cu Gobierno según ley ta obliga di paga ora entradanan di AZV no ta cubri e gastonan di AZV? R.A.

MEP ta construi, AVP ta destrui!

Danki na e sistema di Hedging irresponsabel di Gabinete Eman, pueblo ta pagando 11.7% mas na coriente!

No ta pasa un dia cu e gobierno actual ta papia solamente di energia alternativo, sostenibilidad, eficiencia etc, haciendo como si fuera cu tur e aspectonan aki di medio ambiente a inicia desde cu nan a drenta gobierno na final di 2009. Den e reunion di Parlamento siman pasa, Minister Mike de Meza - tumando tur honor pa su mes - a declara entre otro "cu pa medio di reemplaza e metodo pa converti awa di lama den awa potable y introduci Sea Water Reverse Osmosis a subi e rendimiento y a mehora e eficiencia entre 400 pa 600%. Esaki a resulta den un rebaho di 30% den e prijs cu ta cobra e cliente residencial pa awa". Mas aleu e minister a declara cu "a cambia e sistema di boiler-turbina pa motornan RECIP, cu ta 50 pa 70% mas eficiente. Esaki a keda refleha den un 15 pa 16% di descuento pa clientenan residencial".

PRIJS DI AWA Y CORIENTE

Treciendo tur esaki padilanti Minister de Meza a haci como si fuera cu tur e proyectonan relaciona cu Sea Water Reverse Osmosis y tambe di RECIP tabata basa riba su vision y cu esakinan a ser ehecuta durante cu e ta minister. Sinembargo tur hende na e momento aki ta na altura caba cu e proyectonan



AVERAHE PRIJS DI CORIENTE (AFL.)

December 2011	363.27	AUMENTO 2013-2015 11.7%
December 2012	306.75	
December 2013	306.75	
December 2014	342.59	
Maart 2015	342.59	

aki a ser plania, inicia y ehecuta durante Gabinete Oduber IV. Esaki a wordo confirma tambe door di director di WEB kende na Juli 2012 a declara cu tur e inversionnan aki a inicia for di 2007 en adelante y cu porfin pueblo lo por bay disfruta di un rebaho substancial di e prijsnan di awa y coriente.

AUMENTO DI CORIENTE CU 11.7%

Sinembargo locual ta mas lamentabel ainda ta cu Minister de Meza kier manipula mente di pueblo bisando cu e prijs di coriente a baha cu 15 pa 16% pa clientenan residencial. E ponencia aki lo por tabata realistico

si e gobierno di AVP no a hedge e prijs di crudo pa casi 100% y durante un periodo di 2 aña. Esaki tabata un decision insolito y irresponsabel, ya cu esaki a conduci cu e prijs di coriente a conoce un aumento di 11.7% desde Oktober 2014. Te ainda pueblo no ta disfrutando y lo no disfruta por lo pronto di un prijs di coriente reduci debi na e decision descabeya aki di e gobernantenan actual. Pues aki por mira un biaha mas cu tur locual MEP a construi cu e proyectonan menciona a wordo destrui den un periodo masha cortico door di Gabinete Eman y AVP.

**PUEBLO A HAÑA SU
 PEN BEK**

Pa kualkier informacion
 solodipueblo@gmail.com
 of
 ☎ 585-9500

EDITORIAL

4 Generacion Eman cu MENTIRA & TRAICION

E faam Eman ta conoci den politica na Aruba desde 1931, na momento cu sr. Henny Eman a pone su mes candidato pa eleccion den e "Landsraad", pero no a keda elegi. Ta ser bisa cu Henny Eman tabata miembro di e Landsraad ya desde 1922, pero den ningun buki di historia por conclui esaki! Na e eleccion pa Landsraad di Aruba na 1925, dr. Coco Arends a keda re-elegi cu 5 (cinco) voto (number di e 5 personanan ta ser menciona den buki di historia) y dr. Coco Arends tabata e unico persona den e Landsraad di Aruba. Aruba tabata tin solamente 1 Landsraad y na aña 1933 a bin un Landsraad acerca den persona di Dr. Dussenbroek. Despues di esaki tabata tin eleccion dia 20 di December 1937 pa e prome Staten di Antiyas y aki Aruba a conoce su prome partido politico, cu ta "De Katholieke Partij". Aki atrobe Henny Eman a pone su mes como candidato independiente, pero atrobe no a keda elegi. Pa e segundo eleccion pa Staten na 1941 el'a bay eleccion cu e lista "Henny Eman" y aki el'a ser elegi pa prome biaha y ya na fin di Juni 1942, den Staten na Corsou, el'a lanza critica fuerte contra e "macambanan" na Aruba! Na 1945 e partido Arubaanse Volks Partij / AVP a keda funda. E mentira y traicion di tanto Henny Eman como su yiu Shon A Eman, tabata ora cu na 1947 nan a pone 2.147 persona firma un lista pa Aruba haya mas derecho y despues cu ambos isla a haya 8 asiento (8-8), a bira y traiciona e lucha aki pa un puesto como Minister Sin Cartera pa Shon A Eman den gabinete di Dokter Da Costa Gomez. E gobierno aki a sinta dia 3 di Mei 1949 y a baha dia 6 di Juni 1949. Shon A Eman a keda minister 36 dia, sin drenta oficina di minister ningun dia! Pero e gran traicion tabata pa Aruba y muy en especial e 2.147 Arubanan cu a vota pa igualdad, pasobra Corsou a haya 12 asiento y Aruba a keda cu su 8! Manera ta ser bisa: "Tempo ta cura tur herida" y despues di tempo comunidad Arubano a haye cu un otro generacion Eman, den persona di Jan Hendrik, conoci como Henny Jr. Aruba dia 31 Maart 1985 a keda confronta cu cierre di Lago y 60% di Aruba su economia a cay afor. Pa salba e situacion financiero di Aruba y tambe riba insistencia di Hulanda, Aruba (gobierno MEP) mester a introduci un "Solidariteitsbelasting" di 8.2% pa un periodo di 2 aña, cu lo a termina na 1987. E hoben politico di AVP, Henny Eman Jr., a gara e asunto aki pa eleccion di 22 November 1985 y haci promesanan falso y cu engaño cu e lo ELIMINA e 8.2% di "solidariteitsheffing tan pronto cu e drenta gobierno, pero esaki tabata MENTIRA! Pero ta gracias na e mentiranan aki y e engaño na votadornan, el'a logra drenta gobierno dia 1 di Januari 1986. Tambe el'a para gaña na pomp di gasoline, cu e lo a baha gasoline ora e drenta gobierno. El'a drenta gobierno y NO A KITA e 8.2% di solidariteitsheffing y hasta ora cu esaki mester a keda elimina na 1987, Henny tabatin e "curashi" di introduci ATROBE un otro solidariteitsbelasting di 4.2 % di loke el'a priminti di ELIMINA entrante 1 Januari 1986! Pero pueblo por tabata sa ki sorto di

politico e Henny Eman Jr. aki tabata! Pueblo mester por corda cu e mesun Henny aki, dia 16 di Maart 1976 a vota CONTRA Aruba su Himno (di su "tio" Padu Lampe y Rufo Wever dfm.), a vota contra Aruba su Bandera, a vota contra un Banco Central pa Aruba y a vota contra Aruba su moneda. Si Henny Eman Jr. tabata tin un tiki principio, e lo a nenga di acepta e moneda cu el'a vota contra dje, como su salario desde 1986. E mesun Henny Eman a vota contra e referendum cu a tuma lugar dia 25 di Maart 1977 y a haci un yamada na tur hende pa boycotea e referendum y envez di vota, pa tur hende bay beach! Loke si Henny a haci hopi bon, tabata: spart garantia pa loco y endueda Aruba cu decenas di miyones di debe na garantia, segun ta ser bisa, hasta na mafiosonan! Esaki ta e MENTIRA & TRAICION di e tercer generacion di Eman.

Manera no ta basta: ata un otro Eman ta subi escenario politico na Aruba, den forma di Mike Eman. E hoben aki, a gana e premio di tur e otro 3 nan prome cune. E tabata coordinador di su ruman Henny y a siña hopi bon con pa malgasta placa di pueblo! El'a drenta politica cu un grito manera alma malo : "ELIMINA BBO..... ELIMINA BBO..... from DAY ONE cu e drenta gobierno! Atrobe e humilde pueblo a lague wordo engaña cu mentiranan atroz y a dune un chens pa elimina e BBO! Loke Mike Eman den un solo gobierno a logra den 4 aña di gobernacion (2009-2013), tabata den REDOBLA e debe cu 7 gobierno prome cune, a acumula den 24 aña! Awor tur instancia mundial y tambe CFT a declara cu lo dura te 2040 pa Aruba yega bek na e nivel cu gobernacion MEP a laga esaki na 2009! Tambe enbuz di ELIMINA BBO manera e tabata grita te bay off, el'a aumenta e BBO awor na 3.5%. E debe di Aruba di mas o menos 45% cu el'a haya na 2009 di gobierno MEP, awor ta casi 90%! E mas pior ta cu e organo CFT a duna prueba cu cifras, cu durante e gobernacion di Mike Eman, el'a inverti menos cu 1% (UN PORCIENTO) den desaroyo pa e pueblo! Tur hende por mira e cifranan cu CFT a duna prueba di nan y NUNCA Mike Eman of ningun di su ministernan di finanzas a contradeci e ponencia cu AVP a inverti menos cu 1 % den Aruba. Ta pesey, casi NINGUN caminda, bo no ta tende e grito mas : "bon trabao of "ainda falta", a bira un JOKE/CHISTE grandi y hopi tristo pa tur hende. Pa no papia mes di e ponencia: "awor bo ta waak unda bo placa a bay" !!!!! Pueblo ta ciego pa mira cu Mike Eman su so a nombra 137 coordinador na su bureau? Manera un persona di edad a comenta: " Ta BURICO mes bo mester ta, cu bo tin mester di 137 hende pa yuda bo haci bo trabao"! Pero e herencia di mentira y traicion no por a keda atras cerca Mike, na momento cu na varios ocasion el'a firma "Geen Bezwaar" cu Hulanda, pa Aruba/CFT mete den finanzas publico di Aruba y cu e protocol cu el'a firma dia 2 di Mei 2015, esaki ta e colmo de los colmos di traicion y bende-patria. Ki dia pueblo ta realiza cu den politica no por tin lugar pa un Eman!

Polis mester investiga e caso... y pueblo te tribunal:

Mike Eman cu director di WEB, sr. Boekhoudt a bati otro

Dos declaracion completamente controversial

Tin un batimento di otro formal cu palabra! Den un reciente publicacion di Mike Eman, e prome minister di Aruba ta splica cu e proyecto di molina di biento na Uirama, lo costa WEB 50% menos pa produci coriente y como tal e proyecto mester bay door. Di otro banda, den un declaracion di director di WEB, sr. Boekhoudt, cu tambe a woro duna recientemente, sr. Boekhoudt a bisa full un otro cos, esta cu na e momento aki, no tin nada nada mas barata cu produci coriente cu fuel oil. No tin ningun energia alternativa ni energia green cu ta pagabel, esta cu ta mas barata cu fuel oil. Nos por considera cu e dos figuranan aki a bati otro formalmente cu palabra! E tristo realidad ta cu algun hende ta sigui kere Mike Eman y algun otro ta sigui kere director di WEB, sr. Boekhoudt. Algun ta puntra: Ken ta papia berdad? Ken ta

gaña?

Nos corant ta kere cu polis mester cay aden pa investiga e batimento aki. Nos ta completamente convenci cu sr. Boekhoudt di WEB, cu conoce e materia, ta esun cu ta papia e berdad. Nos ta kere tambe cu Mike Eman a haci un declaracion politico cu ta contene mentira. Si nos mira loke a pasa cu BBO, nos ta convenci cu Mike Eman no a siña su les.

Dicon Mike Eman kier gaña?

E unico motibo cu nos por bin comprende, cu Mike ta gaña, ta pasobra cu Mike Eman tin cu paga bek placanan di sponsor cu el'a ricibi den campaña. No ta kita e posibilidad cu Mike Eman lo por a haya hopi placa di Henk Hutting di e compania aki unda cu Mike Eman lo compromete cu e negoshi tin cu bay door.

Si e proyecto aki no continua, esey por pone cu Mike Eman lo tin un debe pa paga bek, pasobra e no a cumpli cu su palabra.

Nos corant ta lamenta e hecho cu e dos personanan aki mester contradeci otro! Esaki no ta e forma cu e asuntonan mester cana den nos comunidad. Nos comunidad ta spera riba declaracionnan sincero di nos politiconan. Mike Eman ya caba tin e record di ta un mentiroso: Di su promesa di "elimina BBO" el'a pasa pa "subi BBO".

Nos lo spera awor pa waak si polis lo por cay aden, investiga e declaracion di Mike Eman y despues pase pa Ministerio Publico pa asina presenta Mike dilanti un huez: Mike, dicon bo a gaña atrobe?

Y si esaki no ta posibel, anto Tribunal di Pueblo tin cu huzga Mike Eman.

Opinion Publico

PREGUNTA PUBLICO

Den prensa local y awor tambe den prensa internacional por a lesa cu Minister Bermudez y Prome Minister Mike Eman ta anuncia cu 2.2 miljar florin no a wordo cobra/paga na impuesto/ belasting y ta pesey ARUBA tin un debe asina grandi. Di con ningún periodista ni local ni internacional no a puntra Bermudez y Eman (kende nan aparentemente ta insinua y/o tira culpa riba empleadonan di SIAD/belastingen), si ta COMPANIANAN of si ta PERSONANAN INDIVIDUAL ta esnan cu no a paga e 2.2 miljar di florin cu tin na debe di Belasting (specifica cuanto debe ta di companianan y cuanto debe ta di personanan individual sin menciona nomber). Of por ta cu no a cobra ni paga belasting pasobra politiconan a exonera compania- y personanan individual di paga belasting? Informa e pueblo mes den prensa local y despues anuncia e informe den prensa internacional pa tur hende sa ta falta di ken.

R.A.

Cuerpo Policial:



Curpa sin bida haya na Piedra Plat



Diasabra mainta pa 8:00 di mainta a drenta informe di cu tin un persona den auto cu no ta duna señal di bida, na adres Piedra Plat 45. Mesora a dirigi tanto polis como ambulance pa e sitio. Na yegada di e patrulla a bin comprende cu aki ta trata di un persona masculino, Aart D.N. Nagtegaal, naci na Rotterdam dia 12 di

Februari 1954, cu lo ta drumi di largo riba e sienta patras di e Mercedes Benz GL 450 A32754. Mesora a solicita presencia di autoridadnan competente pa asina inicia cu e investigacion. Dokter Lin a constata morto 8:37 am y despues di esaki Fiscal Pronk a tuma e curpa den beslag. E caso ta bao investigacion.

Dr. Rolindo Dortalina
Psicólogo

E MANIPULADOR:

Te persona nan cu kier usabo, gañabo, intenta di dañá bo y cu kier drenta bo mente pa nan cautiva bo. Generalmente e manipulador nan ta studia e personanan y ta en busca di nan vulnerabilidad y debilidadnan. E manipulador por ta un Tata di famia, un Docente, un Hefe colega empleado, un Político of un Pastoor di iglesia cu kier controla bo. E único obhetivo di un manipulador ta e destruccion, pa e obtene bo y aplica riba bo e dos distinto técnicanan aki:

1. E acoso (persecucion) moral: e ta gritabo e insultabo, sea bo so of den grupo. E ta duna bo tarea imposibel pa logra y ta atacabo di tur loke bo kier expresa.

2. E maltrato verbal: ta loke e kier ehersce riba bo mediante amenaza of calumnia pe destruí bo reputación, y tene bo leu for di tur otro persona. Tin dos area específico cu e manipulador ta concentra su mes den dje:

a. E haci: e ta descalifica, rebahá y cuestiona bo di loke bo kier haci.

b. E ser: e ta desvalorizá bo motivacion, inventa cosnan malo riba bo, pe logra yena bo cu culpa y malestar. Den psicología nos ta yama e mecanismo aki: "**Satanizacion**". Lamentablemente e víctima cu a wordo manipulá semper ta alehá su mes for di net e hendenan cu kier'é bon y cu por yudé. **Cual te característica nan di un manipulador? Con nos por reconoce?**

a.- E ta sinti'e grandi y poderoso: e ta intenta di mustrabo cu e sí sa con pa traha placa, haci negoshi, tene un bon pareha etc. E lo conta bo historia nan pa bo mira cu e sí ta un héroë, pero si bo ripara bon nunca bo no ta skucha e palabra: "**mi no sa**", sali fo'i su boca, ya cu e ta aparentá como si fuera e sa tur cos.

b.- E tin un bida dobbel: e ta bisa un cos pero ta haci otro cos. E ta aparece amabel, elegante y simpático; pero waak e bon; pasobra esey ta su fantasia. Ora bo investigué, lo bo sa cu e tin solamente ex-amigo, y cu hopi resintimento.

c.- E tin envidia: bo exitonan ta poné sinti rabia. Generalmente e no ta ataca cualkier persona, sino solamente esnan di mas kerí, cu tin capacidad y reconocimiento publico. Es decir, si bo tin fama, e ta bin pa bo. Pasobra e sa cu bo tin potencial, talento, carisma y logronan cu e no tin.

d.- E ta improductivo: su bida no ta duna fruta, tur cos ta bayé malo. Cu tempo tur su mesun hendenan ta bandoné. E ta haci bo kere cu e ta bal mas cu bo, pa bo haya miedo di dje pa bo sigui ta cerca dje.

Awor, Con nos por liberá di un manipulador? Si bo no kier wordo manipulá haci lo siguiente: **1.** Conoce bo mes bon y siña bisé "**NO**".

2. Alehá bo sabiamente di dje y for di esnan cu ta bini pa horta bo pas.

3. Enfrenté cu humildad y firmeza, nunca no huy pé.

4. Evita di reaccioná cu rabia, pasobra ta esey e manipulador kier, pa bo wordo descontrolá. **5.** Libera bo di e sentimentonan di: culpa, berguena y angustia. Awe bo a conoce e diferente tiponan di engaño di e persona aki, y pa bo desenmascaré. E siman aki no asociá bo cu niun manipulador. Pidi Dios ayudo y risca exponé bo pensamentonan. Tuma bo propio decisionnan, eliminá e miedo, y e sentimentonan di odio y rencor. Ta esaki te único manera cu bo por ta liber di cualkier persona tóxico. Tin un principio bíblico cu ta bisa: "**Pesey si e Yiu haci boso liber, di berdad boso lo ta liber**". Bon siman pa abo y bo famia.

Hummer di persona NAGTEGAAL cu a fayece haya dilanti un cas na Casibari

Segun informacionnan inoficial, e persona cu a wordo encontra morto den su cura di cas na Piedra Plat 45, mester tabata di bishita cerca un amigo na Casibari for di e dia anterior. Casa di e fayecido mester a encontra su casa eynan y a dicidi di hibe cas su mes, lagando e auto Hummer atras. Polis a bai na e adres di Casibari pa asina haci nan parti di investigacion eynan tambe. Aki a conversa tambe cu e personanan na e cas unda e fayecido mester a topa cu su amigonan. E investigacion lo mester saca mas detayes pa waak si aki ta trata



di un morto natural of si nos por papia di asesinato. Di parti Solo di Pueblo, paz na su restonan y forza na su ser kerinan.

Dos ekipo di techniconan a logra drecha e fayó Algun barío sin coriente door di fayó den red di N.V. ELMAR



Diabierna pa mas o menos 8'or di anochi e prome yamadanan a cuminsa drenta na Storingsdienst di N.V. ELMAR indicando cu coriente a bay. A activa dos ekipo di techniconan specializa pa e tipo di fayonan asina, cu despues di algun ora a logra reconecta tur cliente atrobe riba e red di coriente.

E areanan afecta door di e fayó aki tabata Holiday Inn Resort, Playa Linda Beach Resort, Hyatt Regency Aruba, South Beach Mall, McDonald's Palm Beach, Saliña Cerca, Bakval, Rooi Santo, Westpunt, Marriott Vacation Club y Tierra del Sol Resort & Golf. Despues di un investigacion di e 2 ekiponan di N.V. ELMAR, a descubri cu tabatin dos diferente fayó riba e red di 12KV na altura di Palm Beach. Pa mas o menos

10:00pm a cuminsa distribui coriente bek poco poco pa e areanan afecta y pa 1:10am a logra pa tur hende tabatin coriente atrobe.

Despues cu a logra pa tur cas ta reconecta riba e red, N.V. ELMAR a start cu un investigacion pa sigura cu e fayó no lo presenta mas y pa evita cu ta perde coriente den barionan.

Anualmente N.V. ELMAR ta inverti miyones den nan infraestructura, sea pa reemplaza parti di nan red como tambe den drecha y renoba esunnan existente. Di e forma aki ta garantiza mihor calidad di distribucion di coriente riba nan red.

N.V. ELMAR ta pidi disculpa na su clientenan, pa e oranan cu a keda sin coriente debi na e fayó inespera aki.

LIDER DI MEP, MR. EVELYN WEVER-CROES:

ARUBA TA SPIERTA DEN E 'REALIDAD NOBO' CU MEDIDANAN CRUEL

Tin alternativa: manda dos minister cas!

"Aruba ta lantando poco poco den e REALIDAD NOBO den cual Mike Eman a hinca nos aden. Un Aruba cu a perde su autonomia financiero y un Aruba cu ta wordo suta cu medidanan cruel.

E medida di AVP pa hisa e BBO ta uno ad-hoc y masha mal pensa. Ta obvio cu ta algo riba man nan a core haci pa scapa cara di Mike Eman di un otro maatregel di Hulanda. Sinembargo e realidad a dal duro y hopi ta esnan cu ta birando lomba pa AVP. Den ultimo dianan ta hopi ta esnan cu a acerca nos y puntra nos con porta cu ta AVP mes a hisa e BBO, anto mas di 3%. Hendenan ta hopi preocupa", asina lider di MEP Evelyn Wever-Croes a duna di conoce.

COMPENSACION MINIMO

Lider di MEP a reacciona riba e compensacion minimo cu AVP kier brinda awor cu ta hisa e BBO riba e nivel original di 3%. Tempo cu MEP a introduci BBO na 2007, a introduci tambe varios compensacion den loonbelasting, inkomstenbelasting, winstbelasting y invoerrechten. Awor e fraccion di AVP a duna compensacion pa empleadonan so y a lubida



pensionadonan y esnan cu ta gana minimumloon. E compensacion pa colmo ta pa cambia un medida cu nan mes a bin cune na 2013 ora a aumenta e premie di AZV. Ta duna trahadornan compensacion di 25 florin cu un man y ta ranca 100 florin cu otro man ora cobra e aumento di BBO. E compensacion no ta suficiente, e ta hopi mal studia. Pa colmo e parlamentarionan di AVP no sa mes kico nan mes a pone riba papel pasobra nan a anuncia cu tin compensacion pa pensionadonan siendo cu esey ta un mentira!

MEP KIER ALTERNATIVA, NO MEDIDA

Lider di MEP a duna di conoce cu MEP ta contra e medida aki, pasobra tin alternativa. E medida aki ta trece un alivio den gasto di gobierno cu 16 miyon florin. Pero si a scoge pa e alternativa y manda dos minister cas lo a scapa 17 miyon florin y lo a causa hopi menos dolor na henter nos pueblo. Ta djis dos hende mester busca un otro trabao. "Pero e decision di AVP pa suta henter un pueblo cu aumento di BBO, ta un medida cruel y hopi egoista" segun mr. Evelyn Wever-Croes

IPICO Chip powered by ADRA



Gillette


walk/ run

diadomingo: Mei 24, 2015

salida: 6:30AM Compra N.V.

Inscripcion: Afl 10,- na IBISA (Cupo ta limita)

Auto na candela na Jaburibari



Diasabra atardi den careda di 3:12, Polis y Brandweer mester a bay direccion rotonde Paradera/Jaburibari. Tabata trata di un auto Hyundai Elantra

(A-20999) cu diripiente a pega candela bao di e hood di auto. Brandweer a presenta y a logra di paga e candela aunke ya e daño a wordo haci caba.

Haci druk y sali di kens



Semper bo ta haya esnan cu ta kere cu e caminda publico ta di nan y cu nan por haci y deshaci riba dje con cu nan kier. Den careda di 3:30 di atardi, Reportero di Solo di Pueblo tabata riba caminda pa un reportahe ora un auto blanco su dilanti a haya gana di drift riba e rotonde di Tanki Leendert. Den e proceso e chauffeur a medio perde control y a subi e acera di golpi. Aki e chauffeur a baha su auto for di caminda pa waak e

daño material. Debi na un otro reportahe di urgencia, nos no a sali for di auto pa saca potret na grandi pero djis saca un shot, ora nos a pasa e auto. Spera cu e chauffeur por realiza cu hacimento druk, por sali hopi caro. E biaha aki tabata djis su mes un auto, kizas un otro biaha e por a causa daño na otro persona. Corda bon, caminda no ta di bo so! Preveni pa asina mayan no mester lamenta.

A yuda aeropuerto despues pa haci pista limpi

Cuerpo di Bombero a activa mesora pa avion cu "leak" den motor



Diasabra alrededor di 4:20pm a activa Cuerpo di Bombero pa un avion Airbus 330 di e aerolinea KLM cu tabata yegando Aruba for di Hulanda cu problema cu un di su motornan. Aeropuerto a informa Central di Alarma di Cuerpo di Bombero cu e avion tabata tin 206 pasajero abordo y cu tabata tin un "leak" di combustibel den motor number 1. E avion ateriza algun minuut despues, sin problema. Manera semper ora di un alarma na aeropuerto, Cuerpo di Bombero ta activa su sistema mesora y ta manda yama bomberonan for di cas y for di e otro kazernenan pa reforza e ekipo na aeropuerto.

Tambe a conta cu 3 ambulance na e kazerne, den posicion "stand by". Asina cu e avion ateriza, Bomberonan a compaña e riba pista y eynan a nota cu e motor number 1 di berdad tabata "leak" azeta, riba henter e trayectoria riba rampa. A staciona e avion na posicion number un riba plataforma di aeropuerto, mientras Bomberonan a spuit foam riba e combustibel cu a basha riba pista. Esey pa evita cualequier chispa cu por causa un candela. Tambe Bomberonan a inspecciona y controla e avion pa seguridad di e pasajeronan. Asina cu a "shutdown" tur sistema, a declara e situacion "safe" y consecuentemente a cancela e alarma. Manera

ta custumber na momento di un alarma grandi asina, Polis ta percura pa cera tur caminda cu ta conduci na aeropuerto. Na e sitio a crea un "Comando Post" pa tuma tur decision, cu presencia di Alto Comisario di Polis, Comandante di Cuerpo di Bombero y Oficial na turno di Servicio di Ambulance. Ora cu tur pasajero a baha for di e avion, Cuerpo di Bombero a duna Aeropuerto un man pa haci e pista di aterizaje limpi, pa por a continua cu operacion regular na nos aeropuerto. Mester tene cuenta cu diasabra ta un di e dianan mas ocupa den industria di aviacion pa nos isla.

Auto a pasa riba pia di turista



Diasabra banda di 3:30 di atardi, informe a drenta cerca central di Polis cu banda di SHIVAS net pabao di Royal Plaza Oranjestad, un auto a

pasa riba pia di un señora turista. Polis y ambulance a wordo manda y aki e señora a wordo atendi pa e personal di Ambulance

Hopi a cambia opinion...

Bishita di Nelson English a causa hopi reaccion

Opinion publico a cambia: SI, NOS POR HABRI REFINERIA BEK!


Despues cu siman pasa Nelson English, un Mericano cu amplio trayectoria den mundo di refinaria tabata na Aruba y despues cu el'a duna su presentacion relaciona cu y diferente posibilidad pa apertura di refinaria, nos por a tuma nota cu hopi hende a cambia di pensamento y pa ban wanta cu desmantelacion di e refinaria.

Manera nos a bin compronde, Sr. Nelson English, e comerciante di petroleo, a bisa bon cla: TIN CHENS PA APERTURA DI ARUBA SU REFINERIA.

Tin varios forma y tin varios grupo cu ta interesa, pero, mester un carta di Gobierno di Aruba cu ta autoriza su persona pa bay explora e oportunidadnan. Nelson English a splica cu tin varios sorto di compania. Tin multi-nationals pero tambe tin companianan grandi cu capacidad y recurso suficiente pa habri e refinaria.

Coastal por ehempel no tabata un compania multi national, pero si e tabata un compania Substantial.

Despues cu Nelson English a haci como 6 presentacion na Aruba, nos a bin comprende cu



el'a bolter e panorama di desmantelacion. Mesora parlamento di Aruba, unanimamente a pasa un mocion pa asina stop Valero pa desmantela e refinaria y sigur cu NO cuminzando e siman aki.

Na San Nicolas, hopi cu ta traha den e refinaria tambe a capta e noticia y nan tambe ta pidi pa ban explora mas chens pa habri e refinaria. Si e refinaria habri, esaki lo crea un spin den economia, cual lo bay

yuda Gobierno tambe, pasobra e significacion di e apertura lo significa 12% pa nos economia y consecuentemente lo genera placa pa yuda Gobierno.

SOLO tambe ta masha reseptivo pa e plannan di Nelson English y nos tambe ta urgi Gobierno pa duna Nelson un chens pa asina mira kico e por logra, unda e por yega na 4 compania pa forma un joint - venture, pa asina por logra habri e refinaria bek.



Santa Cruz
BARBERSHOP

Mon-Fri: 8AM-9PM • Sun: 9AM-6PM

T1.600-6673 • T2.592-1880

3.5 ta mas cu 3

ViVa La Donna Day 2015 di Mary Joan Foundation a presenta un anochi informativo pa Beauty Salonnan



Diarazon ultimo na cas di MJF na Dakota a presenta un anochi informativo, pa e beauty salonnan participante na e dia di Viva La Donna Day, na unda e pacientnan di cancer ta haya un dia completamente special y relajante den un salon y Spa aki na Aruba.

Consuela Cameron,

trahador social a brinda bastante informacion acerca di Cancer na pecho y a instrui e estilista nan pa cu e trato cu e cliente riba e dia di Viva La Donna Day cu ta diarazon otro siman. MJF ta invita tur esnan cu tin of a sobrevivido di cancer pa participa, yamando na oficina 588-9999 y inscribi bo mes.



BLUSH | SANTA CRUZ 36 | 585 3323



TUR CORTE
TUR ESTILO PA DAMAS
Y CABAYERO AFL25.00

MEI
SPECIAL

PA LUNA DI MEI

CORTE TINJA Y BLOW AFL125.00
TINJA Y BLOW AFL100.00

MANICURE Y PEDICURE AFL50.00
DIALUNA PA DIAHUEBS

RICIBI BO BANJO DI CREMA
COMPLETAMENTE GRATIS
Y PUNTRA PA NOS SPECIAL
PACKAGE PA COMUNION
BRUID Y TUR OCACION

Chauffeur feminina detene coriendo auto irresponsabel

Polisnan diahuebs pa 4:00, durante patruya riba caminda principal na altura di Oxygen Lounge, a mira e chauffeur femenino di e auto A-24716, un Nissan Sentra coriendo sin luz. Tambe Polisnan a nota cu e auto tabata coriendo ta zwaai riba caminda y tabata coriendo poco poco na un manera abnormal. Polis para e chauffeur pero e no a responde. Polis a bolbe para e chauffeur y el'a para na altura di Tire Repair Shop na Mahuma y a resulta cu e tabata bao di influencia di alcohol. Polisnan a detene y a hib'e warda di Santa Cruz, unda el'a keda deteni.



Alto Comisario di Polis, mr. Dolfi Richardson

Integridad di nos Cuerpo Policial no tin un prijs!

Lo haci tur locual ta necesario pa mantene e bon number di Polis

"Un Cuerpo di Polis ta cay y lanta pa su integridad. E ta lo mas importante den un organizacion hudicial manera nos. Pesey mi ta bisa semper, integridad di nos Cuerpo policial no tin un prijs", asina mr. Adolfo "Dolfi" Richardson, Alto Comisario den Cuerpo Policial Aruba a duna di conoce. E opinion aki ta basa riba e discusion cu tin e ultimo dianan aki pa cu comportacion di algun Polis pafor di ora di trabao.

Aualmente Cuerpo Policial ta recluta hobennan pa cuminsa un carera studiando na Scol pa Polis. E estudio awendia ta diferente na antes, unda awor ta combina studiamento y trahamento pareu. Ora cu nan ta cla y ta huramenta, semper den e discurso di tanto Minister di Husticia como di e hefe maximo di Polis ta cuminsa y caba cu integridad, haciendo un apelacion grandi riba e hobennan pa nan comporta nan mes como ehempel pa comunidad. Tambe ultimo añanan ta corda tur Polis cu e expectativa di comunidad ta subiendo mas y cu tecnologia moderno y acceso amplio di publico na red social ta haci cu e "wowo riba Polis" ta mas skerpi. "Esey ta bon tambe, pasobra tur esnan cu scoge pa sirbi nan pais mester ta consciente di e presion ey, di kico Bo ta haci of laga di haci, unda bo ta bay of laga di bay y asina por sigui menciona. E ta un decision cu cada Polis ta tuma pa nan mes, segun nan mesun nivel di norma y balar", asina mr. Dolfi Richardson a enfatiza.

Hopi hende no tin un idea di e bon number cu Cuerpo Policial Aruba tin awendia den exterior, specialmente na Merca, na Hulanda y den Caribe. Hopi otro Cuerpo di Polis

ta bin aki pa train cu nos, riba varios tereno unda nos ta specializa den dje. No solamente pa nos conocimiento y experiencia pero tambe pa nos integridad, Polisnan cu bo por confia riba nan! E bon number aki no ta algo cu bo por cumpra na un supermercado, sino ta bin cu añanan di confianza, di demostra cu bo ta capaz cu bo ta cumpli cu bo palabranan.... ser integro kier meen ta honesto cu principianan moral halto. Den e cuadro aki Mando Policial ta duna masha balar na e palabra "integro" door di hisa e nivel di norma den e Cuerpo di Polis y exige di tur cu ta forma parti di e organizacion pa ta ehempel den comunidad, tanto ora nan ta den uniform bisti como tambe ora nan ta liber.

E no ta un tendencia solamente na Aruba, si mira noticia rond mundo anto por nota cuanto publicidad ta duna ora Polisnan no actua corecto y con e sistema mes ta coregi su mes mesora, door di castigonan y medidanan disciplinario of den veredictonan di Corte. Na Aruba ultimo añanan cada vez un Polis tuma e caminda robez, Corte ta conden'e y riba dje ta exige pa e no funciona mas den e Cuerpo. Esey ta un forma pa sigura cu ta solamente e bon Polisnan ta keda atras den e organizacion. "Mi kier sigura comunidad cu nos tin un bon Cuerpo di Polis y mi ta durf di bisa, un di e mihornan den henter nos region. Nos ta soluciona mas caso compara cu otronan, nos ta ofrece mas servicio cu otronan, nos ta mihor capacita, nos tin mas experto den cas y asina mi por sigui menciona. Riba dje, nos tin sistemanan di control interno pa sigura nos mes cu tur cu ta traha como Polis ta hendenan



integro y cu ta tene nan mes na normanan halto di

disciplina y comportacion", di acuerdo cu mr. Dolfi

Richardson.

Comunidad ta nos partner principal, pasobra pa nan nos ta traha. Asina cu nan sinti cu nos a faya na e imagen cu nan tin di nos of cu nos mes ta atacha e percepcion di ta un di e mihor Cuerponan di Polis den e region aki, anto nos ta actua mesora. "Nos kier sigura cu pueblo ta sigui mira Polis como su amigo, cu e por conta riba dje ora mas e mester di dje", asina mr. Dolfi Richardson a termina bisando.

**Nissan Altima
2005
Vehiculo riba
Huurkoop**

**Pa e young
executive
Yama awor
569- 4343**



Cas di Max
Mueble y mas



**SET DI SALA DI
COSTA RICA**



**A
YEGA!!!**

Meiveld 3A-1 • orario: dialuna pa diasabra 9 - 6pm tel. 582-1671

Check nos riba facebook

Gerick Croes di MEP:

Gabinete Eman ta contradeci su propio promesa y ta sigui suta pueblo cu avalancha di medida!

Ta importante pa refresca memoria di pueblo cu declaracionan haci door di mandatario- y miembronan di fraccion di AVP. Den e articulo aki nos kier treci dilanti e declaracionnan aki pero tambe enfatiza riba e racha di diferente belasting y cobranzan riba lomba di pueblo. "Nos NO lo introduci niun belasting nobo", esaki tabata palabranan di minister di Finanzas, expresá durante un entrevista haci algun luna atras. No mester lubida tampoco palabranan di lider di fraccion AVP: "Si cobra mitar di loke tin riba caya so caba e ta soluciona e problema di e deficit pa e venidero añanan y ta yega e punto di "balanced budget" liher. E forma aki ta mas facil pa ehecuta ya cu no tin cu introduci niun belasting nobo. "Awe pueblo por constata cu pisca ta muri pa su boca.

Realidad ta cu e mandatarionan aki cu desacredita e famoso BBO na 2007 pa a caba cu e famia Arubano nunca a elimina desde 2009 cu nan a sinta pasobra nan tabata sa cu si a haci esaki, e problema lo a bira mas grandi. Si bo ripara bon e belasting aki tabata unico problema cu AVP a gara y bay eleccion 2009 cune siendo cu su proposito tabata crea entrada pa pais pa tin un situacion financiero sostenibel. Awe nos tur ta mirando un gobierno cu mester guli

su palabranan pasobra a keda cu e mesun estructura di 2007 y na dos ocasion 1 December 2014 y dentro di poco 1 Juli 2015 ta aumenta e BAZV cu 1% haciendo esaki 3.5%. No mester lubida cu e cobranza aki a causa un consternacion ora cu a introduci'e y te dia di awe e ta un frustracion pasobra te ainda ta cobrando e na un forma cu ta perhudica e ciudadano.

Gabinete Eman no solamente ta contradeci su propio "principio di elimina BBO" pero literalmente a dicidi pa bombardea pueblo cu diferente belasting/cobranza, algo cu por cierto nunca a yega di sosode den historia. Un di e belastingnan aki ta e exchange margin rate tax (belasting riba cambio di moneda stranhero). Na un promer instante esaki ta algo cu gobierno a bende cu ta banconan lo mester carga cu e costonan aki. Pero esaki tabata "too good to be true" pasobra despues asociacion di bankero a laga sa bon cla cu ta cobra e consumidor pasobra nan no por cargue. E ta obvio si cu nunca e minister concerni y Gabinete Eman a haci lo necesario pa evita esaki. Si banconan cu ta draai rond miyones no por carga e belasting aki, e consumidor si por cargue?? E lista ta sigui cu un belasting/ cobranza di 0.1-0.5% pendiente pa wordo introduci riba transaccionnan bancario

3er kwartaal di e aña aki cual e suma genera lo bay den un Aruba 'investment fund'. Remarcabel ta e hecho cu e consehonan duna riba e cobranza aki ta negativo. Durante reunionnan publico miembronan di fraccion MEP a pone enfasis riba esaki pero no a logra haya e rapportnan for di minister. Tur esaki ta crea e impresion cu kier core pa duna contesta y aclarea pakico ta sigui cu algo cu tin consehonan negativo riba dje. Pero manera semper e gobierno aki ta ciego y sordo. E costonan anual di proyectonan ppp tin efectonan negativo riba e desaroyo presupuestario, riba tanto termino mediano y largo. Ta di lamenta cu Gabinete Eman ta persisti asina tanto y cu ta pueblo un biaha mas lo ta e victima di e decision aki. Pa corona e obra gobierno a anuncia cu lo bay reemplaza BBO y invoerrechten cu un otro belasting cu lo bay riba lomba di e pueblo. E belasting nobo aki lo carga e nomber Algemene Bestedings Belasting su tarifa lo ta entre 6%-8%. Tur loke nos a menciona aki riba ta ehempelnan excluyendo e reforma fiscal di 2016 y otro medidanan (vuilheffing, eigenbijdrage AZV, SKOA etc.) E conclusion cu bo por saca for di e hechonan ariba ta mas cu obvio. Ta di lamenta si cu a goberna e pais aki na un forma asina irresponsabel creando aña tras di aña deficitnan di



riba 340 miyon florin. Y awor ta pueblo ta esun cu tin cu guli manda abao pa scapa "pellejo" di e gobierno aki. Gabinete Eman nunca kier musta di ta e ehempel door di corta vet den propio seno sino ta opta pa suta pueblo cu avalancha di medida!

Dama sospechoso den Pick-up deteni pa Polis



Diadomingo merdia den careda di 2'or Polis a haya melding di un pick-up Toyota sospechoso cu un persona femenino drumi den dje banda di caminda patras di e mall nobo na Paradera cu ta bay pa Seroe Pretoe. Segun diferente persona di e bario a señala e pick-up varios biaha den nan bario. E pick-up parce ta registra na un adres na Pos Chikito. Segun diferente bisiña e pickup ta yega y ta baha

algun persona masculino. E pick-up ta keda den vecindario y despues ta pasa busca e personanan aki atrobe. Ki ora cu e pickup aki a wordo señala, ta descubri despues cu tabata tin kiebro den cas eybando. A yama Polis varios biaha, pero semper e contesta ta cu mester haya e persona den accion pa nan por actua. Hasta un potret di e persona den su pickup a wordo saca y circula riba facebook unda ta adverti pa e persona aki. Pero e biaha aki Polis a wordo informa cu e persona ta na grandi drumi den su pickup den e bario atrobe. Polis a bini, detene e persona y a confisca e pick-up (A-20666) pa investiga un que otro. Ban spera cu por determina si e persona ta culpable pa asina cera e persona aki. Polis di su banda ta haci su best, pero ley hopi biaha ta protege e criminal mas cu e victima.

Abo a sostene Mega Debe?

Ami no!

JAN DE RUIJTER

CLIMATEGATE:

DE KLIMAATHYSTERIE VAN MIEKE EMAN IN 50 SIMPELE PUNTEN WEERLEGD (deel 3)

Duurzaam en sustainable zijn de kroonjuwelen in het beleid van de regering Mike Eman. Een goede reden om die zaken eens wat nader te onderzoeken. Vaste columnist voor Solo di Pueblo, Jan de Ruijter meldt elke maandag in deze nieuwe rubriek wat experts en wetenschappers schrijven in de De Dagelijkse Standaard (DDS) over de waarheden, onwaarheden, fabeltjes en fantasma's van de begrippen duurzaam en sustainable. Voor commentaar: janderuijter@yahoo.com

Door de heftige politieke gebeurtenissen op Aruba van de laatste weken is deze column Climate Gate enkele weken niet verschenen maar op verzoek van vaste lezers pakken we de draad weer op en vervolgen met de belangrijkste punten die de huidige wereldwijde klimaathysterie die bij Al Goor begon en die daarmee ook Mieke Eman in zijn greep kreeg, volkomen weerleggen en aantonen dat de vermeende opwarming van de aarde al 18 jaar geleden gestopt is en dat de geringe opwarming vóór die tijd zeer beslist NIET veroorzaakt werd door de toegenomen uitstoot van CO2 en het broeikaseffect. We behandelden in deze speciale serie tot nu toe de volgende onderwerpen: klimaatalarmisten, klimaatsceptici, stroom, duurzaam, CO2-uitstoot, de geschiedenis van het klimaat, de recente geschiedenis, feiten over het heelal, de rol van elektriciteit, de stilstaande opwarming, energiebeleid in plaats van klimaatbeleid, gebrek aan transparantie, de megaverliezen van investeerders, en het bedrog met cijfers. Nu het verdere vervolg.

15. De natuur regelt zichzelf constant, elke seconde van de dag

De schepper is ooit de beste fysicus aller tijden genoemd. De wereld is zo geschapen dat alles een doel heeft, het kleinste beestje heeft een functie en de aarde overleeft alles en past zich aan alle veranderingen en evoluties aan. Het is sowieso al een wonder dat wij en de aardbol er zijn. Op het moment dat ik dit schrijf hebben we er weer 940 miljoen kilometer opzitten. Elke seconde leggen we op ons ruimteschip aarde 30 kilometer af in onze jaarlijkse baan om de zon. En als onderdeel van ons zonnestelsel leggen we draaiend om de kern van het melkwegstelsel 250 kilometer af per seconde. En het melkwegstelsel vliegt met een snelheid van 300 kilometer per seconde. En draaien we ook nog eens om onze as met een snelheid van 500 meter per seconde. Dit is het universum van natuurkrachten.

De oerknal

In de allereerste fractie van een seconde na de oerknal werden de vier fundamentele natuurkrachten gevormd met waarden die het mogelijk maakten dat er sterren ontstonden. Als die verhoudingen tussen die krachten NET WAT anders waren geweest, als ze afgeweken hadden in een verhouding van 100.000.000.000.000.000e, dan was het universum er NIET geweest, en dus GEEN ZONNEN, GEEN AARDE en wij ook niet. Wat bewijst dat? Het bewijst dat ons bestaan iets heel wonderlijks is. Wij zijn het tot bewustzijn gekomen universum. We konden zover komen omdat onze aarde stabiel rond de zon draait en niet fataal botste op een andere planeet. We vliegen met onze zon al heel lang door een vrij rustige ruimte met relatief weinig zwevende rotsblokken, die bij een inslag een einde aan het leven zouden kunnen maken. Wat dat betreft hebben we al miljoenen jaren mazzel en heeft de evolutie de tijd gehad om ons rechtop te laten lopen en ons onze handen te laten gebruiken en ons van jagers naar landbouwers te transformeren. Daar zijn we dan, in vele kleuren, geaardheden en kwaliteiten: van Hitler tot Mozart. De aarde en de mens evolueerde, onze voorvaders leefden veel korter en met vormen van geweld die we overwonnen hebben. De evolutie heeft vooruitgang gebracht en echte progressie in de afgelopen tienduizenden jaren. We zijn geen kannibalen meer die in kleine groepen over de aarde sluipen en andere familiegroepen overvallen, verscheuren en verzwelgen. Culturele fenomenen leiden tot aanpassing van ons gedrag en van onze genetische blauwdruk. Het domesticeren van runderen zesduizend jaren geleden leidde tot de aanmaak van maagenzymen bij volwassenen waardoor we lactose konden verwerken. Dat toont aan hoe we blijven doorevalueren. We verfijnen onszelf dus. We hebben onszelf ook humaner gemaakt. We waarderen vreedzaamheid. Geweld is nu primitief, een vorm van hersenloosheid dat gedoemd is ten onder te gaan. Ondertussen suizen we met duizelingwekkende snelheden door een oneindige kosmos.

Natuur, cultuur en evolutie

Daar heeft u de grote drie met een constante wisselwerking. De schepping heeft ons een natuur gegeven die zichzelf regelt en die zich constant aanpast bij het steeds veranderende en nieuwe gedrag van mensen dat altijd gebaseerd is op cultuur en op evolutie. Dat de mens goed met de natuur moet omgaan

en met de natuurlijke middelen, de natural resources, is een feit; dat is een kwestie van gezond verstand, van goed verstand, fatsoen en beschaving. Maar inzake het klimaat in relatie tot de cosmos moet eenieder zich de ongelooflijke complexiteit van het klimaat realiseren en zich tevens beseffen dat de klimaatwetenschap zich nog in een pril stadium bevindt. Het is 100 procent uitgesloten dat slechts één factor, namelijk de CO2-uitstoot verantwoordelijk zou zijn voor een vermeende opwarming van de aarde, die al 18 jaar stil staat terwijl het CO2-volume in de atmosfeer met ferme schreden blijft doorstijgen. De gedachte dat de mens zelfs het klimaat kan beïnvloeden door vanuit een kantoor aan de CO2-knoppen te draaien is net zo'n misvatting als te denken dat alle problemen een maatschappelijke oorzaak hebben. Het klimaat is altijd aan veranderingen onderhevig geweest en zal dat ook altijd blijven. Wat de wetenschappers zich moeten afvragen is hoe het klimaat zal veranderen in de komende 100 jaar onder natuurlijke invloeden en natuurkrachten. En dan komen we op de rol van de zon, de rol van de oceanen, het ecosysteem, hoe werken orkanen, wat is het natuurlijke broeikaseffect van waterdamp, hoe werkt de warmteregulatie in de waterstromen tussen de polen en tropen? Wat gebeurt er met warmte in de oceanen. De bovenste tweeënhalve meter van alle zeewater bevat evenveel warmte als in de totale atmosfeer en waarom wordt dan de bovenste kilometer van oceanen de laatste 5 jaar alleen maar kouder? Geen van deze factoren worden meebeoordeeld in de 55 klimaatmodellen die thans door wetenschappers gebruikt worden!!

We weten het niet

En zolang we niet begrijpen wat er met warmte in de oceanen gebeurt, zijn modellen waarmee we het klimaat willen voorspellen volstrekt nutteloos. Hoe langer we doorgaan met de 55 klimaatmodellen die alle gebaseerd zijn op de vermeende opwarming van de aarde veroorzaakt door mensen en hun gebruik van fossiele brandstoffen gepaard gaande met een hogere CO2-uitstoot, hoe langer we de echte wetenschap tegenhouden! "CO2 warmt het klimaat op", dat is het paradigma dat aan de wetenschappers werd verteld, die vervolgens met die instructies de 55 klimaatmodellen ontwierpen! We moeten heel snel af van het paradigma dat kooldioxide alles bepaalt in het belang van de mens, de aardbol en de wetenschap zelf!! Wordt vervolgd.

Siman di ambulance a cuminsa cu un santo sacrificio na Misa di Brazil



Diadomingo pa 9'or mainta na misa di Brazil Pader Maduro a tene su misa y a haci un santo sacrificio pa personalnan di Ambulance di Imsan.

Ambulance a conoce varios colega nobo ultimo tempo y autonan nobo pa brinda e servicio na e comunidad di Aruba.

Esaki relaciona cu e Ambulance Week cu a start 17 di Mei te cu dia 22 Mei. Despues di e santo sacrificio a tuma lugar un comemento entre coleganan. Personal di Ambulance ta esnan cu tin e trabao pisa pa cu atencion medico di un persona den cualkier caso. Na cierto ocasion personalnan di ambulance sa topa cu situacionnan fastioso pero semper nan a sa di domina tur caso.

Ta conoci cu pa e siman di siman lo estrena mas flota nobo pa dept. di Ambulance di cual tambe ta den e programa. Ambulance ta conoci pa tin tres post di cual ta na: Wayaca, Imsan na Centro Medico y na Sasaki. Pa cualkier caso cu 911 centro di alarma keda informa, personalnan di ambulance ta sali di biaha pa asisti casonan di of no emergencia.

Un Mainta Diferente

Lyonel Dirksz



Tur dialuna pa dibierna di 9or di mainta pa 12or

Un Mainta Diferente

Pa alegra bo mainta cu motivacion, salud, noticia, farandula, humor, musica, hopi premio y topiconan interesante.

Top 95



Parlamentario di MEP, sr. Dangui Oduber

Turismo Crucero ta sigui den crisis den año 2015!

"Lamentablemente nos mester constata cu despues di e promer 4 lunanan di año 2015 comparando cu e mesun cantidad di calls y di 17% den cantidad di pasahero crucero comparando esaki cu e promer 4 lunanan di año 2014. Esaki a traduci toch gobierno ta scoge pa bai inverti den 2 tram mas e año aki. E tram nan aki lo costa nos pueblo 2.4 miyon florin. E beheerskosten

DETAILED CRUISE DATA

2015				2014			
Month	Calls	Passengers	Crew	Month	Calls	Passengers	Crew
January	42	77819	31296	January	50	97471	39090
February	38	76067	30295	February	41	80562	32483
March	34	61105	24961	March	42	80375	32673
April	24	49644	19458	April	28	59215	23405

periodo di año 2014 turismo crucero ta sigui den crisis. Año 2014 ya caba a cera cu un caida den cantidad di barco crucero cu a bin Aruba y tambe cantidad di turista crucero. E trend negativo aki a continua den año 2015. Luna di April 2015 a cera cu un caida di 4 barco compara cu April 2014 y un caida di 9,571 pasahero menos cu April 2014. Esaki ta significa un caida di 14% den cantidad di cruise calls y caida di 19% den cantidad di turista crucero. Con un minister di turismo di turismo kier pretende cu turismo ta bayendo si e cifranan ta demostra lo contrario. Den pleno high season turismo crucero ta cay cu double digits. No solamente e datonan di luna di April ta preocupa nos pero e hecho cu e promer 4 lunanan di año 2015 compara cu año 2014 a cay drasticamente. Pa e promer 4 lunanan di año 2015 tabata tin un caida di 14% den

su mes den un caida di 23 barco crucero menos durante e promer 4 lunanan di año 2015 y 52,988 pasahero crucero menos. Bo por imagina ki impacto e cifranan aki tin riba nos economia. Un economia stagna, un pais bancarota, un Valero cera y awor un turismo crucero den crisis.

Aki por mira e datonan di APA N.V.

Hecho y realidad ta cu nos turismo crucero ta den un crisis y esaki ta preocupa nos enormemente. Mientras tur otro competidornan di Aruba den Caribe ta muestra un crecimiento den turismo crucero, Aruba ta muestra un caida drastico. Un turista crucero ta gasta averahe pa dia \$135, teniendo cuenta cu esaki economia di Aruba a sufri un perdida 12 miyon florin durante e promer 4 lunanan di año 2015. Sabiendo esaki

di e tramnan aki ta costa nos pueblo 3 miyon florin. E año aki e tramnan lo costa pueblo 5 miyon florin. Ta husto pa derocha placa di pueblo asina den prioridadnan robez. Ta husto pa castiga pueblo cu aumento di BBO. Ta husto pa sigui plunder pueblo anto gobierno mes ta sigui derocha placa. Esaki ta un sla duro pa esnan cu ta traha den e sector turistico. Nos a tuma nota di reaccion di minister Otmar Oduber caminda el'a scoge pa no bay duna detayes pakico turismo crucero ta den crisis sino a bisa cu año 2016 lo ta un año record pa turismo crucero. Nos ta contento di tende cu año 2016 lo tin mehoracion pero esey no ta kita afor e preocupacion cu nos tin pa cu e año aki. No por ta asina cu e minister responsabel NO kier duna cuenta na pueblo kico ta pasando cu nos turismo crucero cu ta pasando den su pior momentonan.



MADURO HEAVY EQUIPMENT N.V.

Santo pa Basha, Santo pa Pleister,
Crushed Sand, Piedra, Tera pa

Mata, Graniet. Tambe nos ta
Rosa Tereno, Coba Pos y
Fundeshi.

ROOI BOSAL 49

TEL.: 585-1708

FAX.: 585-6299



B'a Buske? Want'e

Proyecto di Cas na Jan Flemming di Pension Fund Tourism Sector ta cla

E Proyecto di Cas na Jan Fleming, un iniciativa di PFTSA, e Pension Fund Tourism Sector a keda entrega door di PFTSA y notario, na doñonan cu a haya nan yabi di e prome casnan na Jan Flemming.



Segun directora di PFTSA, Sanaa Baroud, nan ta orguyoso pa entrega e prome casnan na Jan Flemming. A firma e 4 hipotecanan di 4 famia. Pa final di e luna aki e famianan lo ta bibando den nan caba. Ta un proyecto cu PFTSA ta hopi orguyoso di tin. E ta un parti di inversion cu nan kier duna bek na nan participantenan. Baroud ta sigui splica cu no ta un secreto, caminda cu por haya bon inversion, cual ta dificil den e temporada aki pa duna un bon interes. Esaki toch a logra pa duna e miembronan riba un interes na 6.5% y ta un inversion sigur pa e fondo. Ta e miembronan mes ta haya e hipoteca aki y ta haya e pago bek via nan salario di trabao. Ta bayendo riba pasonan lento cu e fondo. E proyecto aki tin 11 cas y tin 8 bendi y nan kier caba di bende e otro 3nan. E posibilidad tey semper pa por sigui, segun Baroud. Cada cas, e participante por cunt'e, entre 180 pa 240 mil florin, depende e grandura di cas y tambe grandura di tereno, cual ta tereno propio. Locual cu a wordo haci ta cu nan a cumpra e terenonan aki eigendom, parti'e den 11 lot y duna e participantenan e oportunidad pa nan por tin nan mesun cas. PFTSA mes ta construi y den 6 luna di tempo ta entrega e casnan. Mirando e miembronan, kizas otro proyectonan di otro barionan por



wordo complementa den futuro. Baroud a splica cu esaki tabata un test pa PFTSA con e ta bay y kico e demanda eyfor ta y por bisa cu e demanda ta grandi. PFTSA tin un edificio cu nan a inverti den dje, cual ta e edificio di landslaboratorium di Eagle. Awor aki a purba algo otro cu ta e casnan na Jan Flemming. PFTSA ta keda explora, segun Baroud. Awor aki e fondo tin un total di 7000 miembro afilia. Esaki a keda demostra cu tin un interes grandi pa loke ta fondo di pensioen. E sector hotelero ta un

sector grandi y a invita tur compania cu no tin pensioen y cu ta cay bao di sector turistico, pa tuma contacto cu PFTSA y asina nan por haya mas detaye y servicio. PFTSA ta gradici nan contratista, miembronan cu a deposita nan confianza den e fondo, cu a duna nan e oportunidad pa haci nan soño realidad door di traha nan "Dreamhome" y logicamente e hunta directiva di Pension Fund Tourism Sector Aruba, cu tin e confianza pa e fondo si por a logra un proyecto asina aki, Baroud a finaliza.

Elimina BBO?

Kier meen di 3 pa 3.5% ?

Homber haya morto den su auto den cura di cas



Diasabra mainta promer cu 8'or, Polis a wordo dirigi pa bai na e adres di Piedra Plat 45. Segun informe cu a drenta, mester tin un persona drumi den auto den su cura di cas cu no tabata duna señal di bida. Polis y Ambulance cu a yega na e adres a confirma cu tabata tin un persona homber drumi riba e asiento patras di a auto di e marca Mercedes Benz (A-32754). Polis a pidi pa tur autoridad competente presenta nan mes na e adres debi na e circunstancia cu a encontra e curpa den e auto. Aki ta trata di un persona nacionalidad Hulandes cu

e fam "Nagtegaal". Segun informacion inoficial, e persona a wordo mira na un adres di un amigo unda hunto nan tabata dal algun drinks. En conexion cu esaki Polis a bay tambe na Casibari 13, unda e auto (Hummer A-45410) tabata staciona dilanti e adres. Aki su señora mester a buske pa hibe cas y a laga e Hummer para dilanti e cas. Ta na e adres di Piedra Plat a descubri despues cu e persona no tabata duna señal mas di bida. E curpa a wordo tuma den beslag y Polis tin e caso bao di investigacion pa determina e causa exacto di e fayecimento.

Asina'ki ta sigui tira santo den wowo di pueblo!

Despues cu AVP a caba di suta pueblo cu medidanan cruel, awor nan kier bay reduci e prima di AZV cu 1%



Despues cu fraccion di AVP mediante di parlamentario Donny Rasmijn a claba pueblo un cuchiu den lomba siman pasa door di introduci e medida di aumento di BBO cu 1% (Health Tax), awor como 'regalo' na e clase trahador nan a dicidi pareu cu e aumento aki di reduci e prima di AZV cu 1%. Cu e maniobra manipulativo y ad hoc aki nan ta cla pa bolbe ranca miyones di florin for di e saco di e pueblo Arubano y p'asina nan por sigui malgasta. Sinembargo locual e parlamentario Donny Rasmijn no a splica pueblo ta cu desde cu su partido a drenta gobierno na final di 2009 ta solamente medida tras di medida a ser imponi riba lomba di e clase trahador.

Medidanan cruel

1. Entrante 1 di Januari 2011 gobierno di AVP a aumenta e prima di AZV cu 1%
2. Entrante 1 di Januari 2014 a aumenta e prima di AOV cu 1%
3. Entrante 1 di Oktober 2014 a aumenta e prijs di coriente cu 15%
4. Alavez a introduci un vastrecht di 12.50 florin riba recibo di coriente
5. A aumenta e tarifa di bus for di 2,25 florin te cu 2,50 florin
6. Entrante 1 December 2014 a aumenta BBO cu 1% y a yama esaki Health Tax
7. Entrante 1 di Januari 2015 a aumenta e prima di AOV cu 1%
8. Entrante 1 di Januari 2015 a cuminsa cobra 27 florin pa luna pa recoge sushi
9. Entrante 1 di Juli 2015 lo aumenta e BBO cu 1% y esaki pa AZV (Health Tax)


Sin duda cu tur e medidanan cruel aki a pisa inmensamente den cartera di tur trahador na Aruba y en especial esnan

cu ta cobra salario minimo di 1637 florin pa luna. Tur e medidanan aki a haci cu e poder di compra a bay drasticamente atras. Hecho ta cu e miserabel Reparatiotoeslag di 50 florin pa luna cu gobierno ta duna no ta compensa e perdida di compra di e clase trahador y riba dje Gabinete Eman lo bay elimina e Reparatiotoeslag aki entrante 2018.

E bon Samaritanonan

Awor hungando pa un bon Samaritano, Donny Rasmijn kier gaña tira algo pa e clase trahador door di percura pa un reduccion miserabel di 1% di e prima di AZV, siendo cu pa AZV so gobierno di AVP a impone den total 3% di aumento di prima den 4 año di tempo. Despues di e stunt politico aki di Donny Rasmijn, Minister Paul Croes no kier a keda atras y tambe hungando pa un bon Samaritano ta declara cu su persona lo bay percura pa un aumento di salario minimo entrante 2016. Pero e politiconan di AVP no tin ningun tiki di berguenza? Desde cu nan a drenta gobernacion y durante 6 año largo apenas nan a aumenta e salario minimo for di 1543 florin te cu 1637 florin pa luna, cual ta un promedio di aumento di 15 florin pa luna! Contrario na e maneho anti-clase trahador aki di AVP, durante e gobernacion social democrata di MEP e sueldo minimo a ser aumenta na 7 ocasion, esta for di 960 florin te 1543 florin pa luna, pues cu un promedio di aumento di 73 florin pa luna. Compara e 73 florin di MEP y e 15 florin di AVP! Ta increibel con e gobierno di AVP kier sigui manipula mente di pueblo y awor kier tira un cachi cachi pa e clase trahador, cual nos di MEP ta cualifica como "een doekje voor het bloeden". Partido AVP a masacra e pueblo trahador y awor kier pa tapa un herida cu nan mes a ocasiona.

Dos damita den nan inocencia a hinca nan bida den peliger



Despues cu e avion di KLM, cu tabata tin problema cu fuel, a caba di baha sano y salvo, Reportero di Solo di Pueblo a ripara cu tabata tin dos damita hoben sinta na grandi dilanti e cura di aeropuerto. Ora Polis a cera e caminda na diferente punto strategico, na un of otro manera e dos damitanan a logra di scapa e atencion y a haya un front seat den un di e casitanan pa waak con e avion cu problema tabata ateriza. Reportero di Solo di Pueblo a hiba algun palabra cu nan y a muestra nan riba e peliger cu nan a hinca nan mesa aden. Den nan inocencia, nan no tabata ni

realiza cu si e avion mester a pega candela y of explota, cu e distancia cu nan tabata sinta, na lo a wordo alcanza pa e candela.

Aunke nos tin potret di e dos damitanan di cerca, nos a opta pa pone solamente e potret saca di leu pa asina protege nan privacidad.

DIABIERNA 22 DI MEI Gran Apertura *Campeonato Heineken*



Aruba Softball Bond ta invita henter pueblo di Aruba Pa e gran apertura di Campeonato HEINEKEN dedica na 2 Baluarte Marianella Danies y Ramiro Lopez

Un bunita desfile cu tur equipo den combinacion cu un show di Harley Categoria Femenino AA - Masculino A-Klas & AA

**BINI UNO BINI TUR BIN
APOYA NOS ATLETANAN**

Fecha Diabierna 22 di Mei
Ora 7pm
Tereno Veldnan na Pos Chiquito
DJ Alvin All the Way
Entrada Gratis

Despues di e acto di apertura lo bay tin 2 wega Femenino AA riba veld chiquito:

Jaguars Nesbitt vs Aruba Bank Tigers
Masculino lo tira lot pa promer wega



**JALAPEÑO
FRESCO**



Wendy's

SPICY
CHICKEN

SPICY
BURGER



FACEBOOK.COM/WENDYSARUBA

Minister mr. Drs. Arthur Dowers ta adapta decreto gubernamental riba conseho di Polis

Lo prohibi auto cu stuurwiel na man drechi

Ta evalua pa duna tempo pa saca esunnan existente for di circulacion

Den e ultimo añanan a nota un crecemento den importacion di autonan cu stuurwiel na man drechi. A nota esaki tambe den e cantidad di accidentenan cu ta sosodiendo, specialmente esunnan grave of fatal. Hopi di nan ta bin di e autonan aki, cu sea ta core mucho duro of ta carece di bon visibilidad riba caminda. Cu esey den mente y saliendo for di e punto di bista cu nos trafico ta basa riba e principio di core na man drechi di caminda, a cuminsa e proceso pa actualisa e "landsbesluit voorschriften voertuigen" di aña 1999.

Minister di Husticia, mr. Drs. Arthur Dowers a instrui su huristanan pa presenta un nota di cambio den e decreto gubernamental. E prome ta cu ta subraya cu ora papia di "stuurinrichting" cu ta sigui skirbi su tras cu e stuur mester ta na man robes, mira for di e perspectiva di e chauffeur. Tambe cu e cambio ta drenta na vigor na e siguiente fecha pa keur bo auto, pues si bo a caba di keur awo, bo por core dos aña mas, pero si dia bo fecha di keur vence, lo no prolonga mas cu stuur na man drechi.

Ta tene consideracion cu e autonan aki ta diseña y

asambla pa participa den trafico cu ta core na man robes di caminda y como tal e chauffeur ta stuur na man drechi, pues pa por ta na e banda corecto. Den mayoria paisnan civiliza, a cambia e leynan caba den trafico cu ta prohibi pa e autonan aki participa den nan trafico. Aruba a tarda pa actualisa e leynan, pero ta sinti cu tin suficiente motibo awo pa haci e cambio aki.

Chauffeurnan berdad por cumpra e autonan aki mas barata, pero e inconveniencia nan tambe ta hopi, manera ta ora di pasa un "Drive Thru" of mester paga pa sali for di un parkeerplaats. Visibilidad riba caminda ta menos bon y riba dje e autonan aki hopi bes ta facil pa altera su motor pa e core mas duro.



Gobierno ta spera cu den e siguiente simannan Raad van Advies lo duna su opinion riba e cambio cu Minister di Husticia a propone, pa asina por anuncia esaki oficialmente y asina e cambio ta drenta na vigor. Un fecha exacto no tin ainda, pero e lo ta den un pa dos luna di tempo mas o menos.

Bisando esaki, ta conseha e agencianan cu ta trece e autonan aki pa NO sigui importa mas. Tambe ta conseha automobilistanan

pa NO sigui cumpra e autonan aki pasobra bo lo perde bo inversion cu tempo. Parce cu den algun caso, tin forma nan economico pa pasa e stuurwiel di banda drechi pa banda robes, loke sigur por scapa e doño di auto di perde su inversion.

Ta bon pa enfatisa cu e cambio di decreto gubernamental ta aplicabel solamente pa autonan cu ta participa activamente den trafico pa cual mester un keuringskaart. Pues e cambio aki no ta aplicabel pa autonan cu ta core riba tereno priva of ta pa pusta na Palo Marga so.

Gobierno a tene cuenta cu opinion di



departamentonan manera Dienst Technische Inspectie, Ministerio Publico, Cuerpo Policial Aruba y Departamento di Asuntonan Huridico di

Gobierno den tumamento di e decision aki. Cu e cambio, Gobierno ta convenci cu lo haci nos trafico mas sigur y cu menos auto riba caminda cu de facto nunca tabatin

mag di a subi caya, debi cu nan no ta traha pa nos mercado y nos trafico di stuur na man drechi.

Yos Septic Tank Service

Chica pos y habri tuberia

Pa un bon servicio y mas informacion tuma contacto cu

Nena Dirksz na 7482689 of Jose Dirksz na 5666144
Paradijs #09 - Oranjestad, Aruba.



Solo Local.....

Motociclista a bay pasa riba verkeersplateau, a perde control y a dal abao

Diasabra madrug a dreña informacion di un accidente cu hende herida banda di Playa Linda. Mesora a dirigi tanto polis como ambulance na e sitio. Na yegada di e patrulla a bin compronde cu aki ta trata di un accidente unda un manehador di Harley Davidson a bin cu velocidad, subi riba e

verkeersplateau, perde control, dal abao y lastra bay te banda di e otro verkeersplateau. Den e caida e motociclista a herida su mes cu un kap formal na su cachete cu tabata sangrando profusamente. Na yegada di e ambulance nan a atende e victima y a transporte pa hospital.



Accidente dilanti

Parke Curazon na Jaburibari a laga dos auto cu

Diadomingo atardi Polis mester a bay na e entrada

di Parke Curazon na Jaburibari. Aki un pick-up shinishi Toyota Hilux (A-57140) mester a dal den

un Nissan Versa corra (A-57608) cu tabata bini for di zuid y a lora su dilanti pa dreña e entrada di Parke Curazon Jaburibari. E pickup cu tabata bini for di panord, no a logra di para na tempo y a dal basta duro den e Nissan Versa. E impacto a laga ambos auto cu basta daño material pero afortunadamente ningun

hende a resulta herida. Polis a tuma datos di ambos partido. E caminda aki ya caba ta conoci pa tanto accidente ora hende kier dreña den e entrada di e parke, pero no ta tene cuenta cu e velocidad halto cu e demas autonan ta core riba dje. Shonnan, please ban baha e speed pa mañan nos no yora malay!



PUEBLO A HAÑA SU PEN BEK

Pa kualkier informacion
solodipueblo@gmail.com
of
585-9500

Solo Local.....

Skirbi pa Sr. Armand Hessles:

DEMOCRACIA. IDEAL Y REALIDAD

Den cada campaña electoral ta haci un apelacion urgente riba ciudadano pa bay vota bou di e pretexto cu 'Cada voz ta conta!' Asina ta crea e impresion cu e votador realmente tin influencia riba maneho di gobierno. Consecuentemente esnan cu no ta vota no tin derecho di papia (mas).

Den practica tin duda si e votador di berdad tin asina hopi influencia riba maneho di nos pais. Pa cumenza no tin diferencia cla entre ideologia di e partidonan. En realidad mayoria di partido a nace despues di conflicto interno personal dentro di e partido original. P'esey tambe casi no tin diferencia entre e programanan electoral, ademas di ta excelsa den vaguedad y un grado halto di deseo. Consecuentemente votacion no ta tuma lugar tanto a base di un programa atractivo, pero mas bien, pa motibo di e escala chikito, a base di lazo directo cu y popularidad di politico. Despues di votacion, mayoria di biaha no tin mucho posibilidad mas pa influencia maneho. Sinembargo, specialmente e (partido) politiconan ta probecha di un porcentahe halto di votacion. Pa nan e ta nifica un stempel di aprobacion y un derecho moral pa goberna a base di e deseo di 'mayoria di pueblo'.

Pero...por papia di un 'mayoria di pueblo'? Den e caso aki 'e mayoria' ta consisti di e mayoria di votador, locual ta exclui automaticamente un gran parti di 'pueblo'. Por ehempel, adolescente ta forma un parti grandi di 'e pueblo', pero nan no por vota pasobra comunidad ainda ta considera nan como 'no apto'. Kiermen cu mayoria di votador ta bin dicidi tambe riba 'minoría' (?) di 'pueblo'.

Teoricamente mayoria ta manda riba minoría. Den practica sa resulta cu politico sa tuma decision, aki aya tras di cortina, cu no ta mucho na interes di 'pueblo' of hasta nan votador, pero mas bien di comerciante of grupo di interes. E ora ey ta trata de un minoría hopi chikito di 'pueblo' cu tin un influencia grandi riba maneho. Sa parce cu e interesnan financiero di e grupito chikito di esnan concerni ta mas importante cu e interesnan di 'pueblo'.

Pero 'pueblo' tampoco ta asina uniforme manera ta parce. En realidad, na Aruba e ta consisti di mas di 100.000 individuo cu mes hopi deseo, opinion y interes. E escala chikito ya menciona ta permiti hopi di nan pa probecha directamente di e lazonan estrecho cu politico. Di e manera aki e clientelismo, o sea e principio di 'rasga mi lomba pa mi rasgo esun di bo' cu a causa un desaster financiero



na Grecia, por a lanta asina hopi. Na Aruba e clientelismo aki ta mihor conoci como 'patronahe politico'.

E ex-prome minister di Antia Hulandes Miguel Pourier, durante e simposio di Reino 'Bon gobernacion den pais chikito' pa conmemora 40 aña di existencia di Statuut na 1995, no a haci ningun esfuerzo pa tapa e problema principal di e politica local. El a indica cu entre otro pa motibo di e escala chikito di nos islanan, patronahe politico a bira un parti integral di nos cultura politico. Asina politica a bira 'un negoshi di cambio na unda politico ta ofrece e votador bentaha material en cambio pa poder politico'. Segun Pourier patronahe politico pa hopi hende ta

e unido manera pa bay dilanti den bida. Hasta e ta plantea cu "patronahe politico sin ningun duda tabatin un influencia hopi malo riba calidad di gobernacion di nos islanan y den cierto sentido asta riba mentalidad di nos hendenan como cu nan no tabata mira mas e conexion entre nan propio esfuerzo y desaroyo personal. Nombracion politico di amigo incapacita te den posicion di maneho a mina calidad di e aparato gubernamental. E votador na su turno a haya mas interes pa promesa politico cu pa intencion di maneho real di e partidonan. Na su turno esaki a trece hende na poder cu no tabatin ningun problema pa haci uso di tal practica y cu den hopi caso no tabata apto of asta totalmente incapacita pa e tarea di

gobernante'.

Esaki ta crea e impresion fuerte cu e forma actual di democracia, inevitablemente ta conduci na corrupcion. Pasobra den practica ta resulta cu politico ta manipula e sistema pa logra bentaha pa nan mes (es ta di ser eligi pa por manda nos pais), haciendo uso di 'e medionan publico'. No ta nan propio medionan, pues nan no tin ningun necesidad pa maneha e placa ey cautelosamente. Al contrario, gastando e placa (hasta locual no tin presente mes) riba escala grandi y priminti e votador nan montaña di oro, nan tin mas chens pa keda eligi. Aparentemente pa nan esey ta hopi mas importante cu e interes di pais riba termino largo.

E drispidimento di politico di un banda ta conduci di un banda na parasitismo di esnan cu ta ricibi privilegio, y di otro banda na ineficiencia den e aparato di gobierno. E consecuencianan inevitabel ta crecimiento di fayos presupuestal mientras e debe nacional ta crece sin control. Al fin y al cabo ta esnan di 'pueblo' cu ta gana placa cu mester produci e medionan pa paga tur e cuentanan. E pregunta ta si esnan cu a crea e sistema democratico originalmente, tabatin esaki na bista.

TRAINING: "REKENEN"

pa: studiantenan di 5de klas di school basico)

Dianan di training: mei 21, 22, 23, 28, 29, 2015

Ora: 3:00 pm – 6:00 pm

Lugar: Colegio Arubano (Playa)– lokaal 62

Docente : drs. Rudolf R. Kelly

Informacion: 562-2119/ 594-9771/ 585-9774.

Email: rr_kelly@yahoo.com

Solo Local.....

Polis a bay na Papaya pa intermedia den un pleito entre pareha

Diasabra mainta a drenta informacion di un pleito entre un pareha na Papaya. Mesora a dirigi un patruya na e sitio. Na yegada di e patruya a bin compronde cu aki ta trata di un pleito iremediabel e ireconciliabel. E dama a pidi polis pa e por recoge su pertenencianan na cas di su pareha pa evita violencia.



Auto a reverse y dal otro auto staciona na Elmar na Hato y a core bay

Diasabra madrugada a drenta informacion di un accidente na Elmar Hato. Mesora a dirigi un patruya na e sitio. Na yegada di e patruya a bin compronde cu aki ta trata di un accidente hit and run unda segun testigo e auto shinishi A7309 cual a para

un rato na e parkinglot pariba di Elmar Hato y ora di bay a reverse pero e no a tene na cuenta cu su tras tabata tin un auto di un trahador di Elmar staciona y a dal esaki na e porta patras di e chauffeur. E auto shinishi A7309 a move bay for di e sitio. Polis a controla e number y esaki ta pertenece na un auto shinishi registra na Kamay. Den oranan di dia un di nos colaboradornan a capta e foto di e auto aki para na e adres.



NO CANSA NUNCA..

NO CANSA DI BUSCA ABBA TATA. NO CANSA DI HACI ORACION.

NO CANSA DI PAPIA CU BO YIUNAN.

AWEL SI... FACIL PA BISA NO... MASKE CON BON NOS TA PREPARA DEN BIDA....

TA YEGA MOMENTONAN DEN BIDA.. CU PRUEBANAN TA BIN... HOPI DURO...

ANTO NOS MESTER SA CON PA DEAL/TRATA CU NAN.

NOS MESTER TIN UN TEMPO SPECIAL PA BUSCA ABBA TATA SU CARA.

SI NOS LANTA TUR MAINTA.. PROME COS BUSCA ABBA TATA.. TATA TA DUNA NOS, UN GUIA CU TA SPIRITO SANTO, DEN OBEDIENCIA NOS POR PASA DEN E PRUEBANAN.

OBEDIENCIA TA CUMPLI CU E PALABRA DI ABBA TATA, KIEMEN CANA DEN BOLUNTAD, DI NOS ABBA TATA (E PRINCIPIONAN Y MANDAMENTONAN).

NOS MESTER OBEDECE NA E FRUTANAN DI SPIRITO SANTO. CU TA DEN GALATIONAN 5:22 TA: AMOR, GOZO, PAZ, PASENSHI, CARIÑO, BONDAD,

FIELDAD, SUAVEDAD DI CURAZON, Y DOMINIO PROPIO. CONTRA COSNA ASINA NO TIN LEY. SI BO COMPRENDE KICO TA BIBA DEN SPIRITO,

BO BIDA LO TA MASHA BENDICIONA MES, PASOBRA CARNI TA CONTRA E SPIRITO. PESEY HESUCRISTO A MURI PA NOS PICA-NAN. PA CABA CU E LEY DI PICA Y MORTO. MATEO 11:28-30, BIN SERCA MI TUR CU TA CANSA Y CARGA. E CANSA AKI TA ORA BOTA, BIBA DEN DESOBEDIENCIA...DEN PICA. HESUS CRISTO SU SOSIEGO TA DEN SPIRITO. OBEDIENCIA TA TRECE E BENDICION. TA HESUS CRISTO TA E UNICO FUENTE BERDADERO.

E SO POR YUDA BO ..ORA BO TA CANSA, AMEN. ANIMO Y FORZA.

SKIRBI PA : ESPERANZA/SANSHA/SASHA KOOLMAN-PENA, SAVANETA # 167 -A.

PUEBLO A HAÑA SU PEN BEK

Pa kualkier informacion
solodipueblo@gmail.com
of

Solo Deporte Softball.....

Campeonato Heineken di Aruba Softball Bond

Dedica na baluartenan Marianella Danies y Ramiro Lopez

Diabierna awor 22 di Mei 2015 lo inicia e Campeonato Nacional oficial di Aruba Softball Bond dedica e aña aki na 2 baluarte. Sra. Marianella (Nella) Danies y Ramiro Lopez. Awe sinembargo nos ta repasa awe en corto historia di Marianella Danies.

Marianella Danies orguyosamente mama di Marc Danies kende por cierto tambe ta un pelotero hoben cu a forma parti di e team campeon di Little League World Series na 2010 Bangor, Maine y ta activo den baseball cu ATCO y tambe den softball cu Tanki Leendert Giants. Marianella a lanta desde chiquito den e ambiente di baseball y softball. Marianella a siña hunga softball den cunucu hunto cu su ruman Tico y primonan Franklin Danies y Vincent Willems demas prima y amigonan di barrio rond di nan cas. Asina primo y prima tabata mix e teamnan combinando mucha homber y mucha muher y tabata hunga contra otro.

Marianella su tata Mencho (q.e.p.d) y su mama Pina tambe tabata softbolista y hunto a lanta un team di bush league cual tabata consisti di familiares entre otro mama, tata, ruman, primo, prima, tanta, omo etc. E equipo aki tabata jama Tanki Leendert

Diamonds. Un ekipo cu a causa furor ganando bastante trofeo.

Marianella desde 15 aña tabata practica e deporte di softball. Un colega di scol Iraida (Jaja) Winklaar a invita Marianella pa bay train cu un equipo di softball afilia na Aruba Softball Bond esta Nevada dirigi e tempo aya pa Willy Croes y Ilse Zaandam. Nevada den transcurso di tempo a cambia di nomber y a bira Caribbean Palm Village y mas despues Kool-Aid.

Cu e organizacion nan aki Marianella a logra varios titulo di campeon y tambe sub campeon. Na 1990 Marianella a forma parti di seleccion femenino y a debuta den un mundial di softball Women World Championship na Chicago Illinois.

Tambe Marianella a representa Aruba den seleccion cu a bay Centro Americano y Del Caribe cual a tuma lugar na Lima Peru. Marianella tabata den seleccion pa bay otro Centro Americano y Del Caribe cu a tuma lugar na Corsou pero lamentablemente a facture su enkel durante un wega di preparacion y no a logra competi den esaki.

Marianella a forma parti di diferente seleccion nacional femenino di Aruba Softball Bond cu a compete entre otro na Caracas y Valencia Venezuela. Durante pre-campeonato 1990/1991 Marianella a logra titulo di champion batter y champion homerun. Den



Campeonato oficial di ASB na 1990 Marianella a logra titula campeon bate. Na 2004/2005

Marianella a ripiti e hazaña aki y ta bolbe titula campeon bate. Marianella Danies un atleta ehemplar cu a dedica hopi di su tempo na deporte di

softball y cu un carera hopi exitoso tanto den su equipo pero tambe den seleccion femenino di Aruba. Aruba Softball Bond orguyosamente ta dedica Campeonato 2015 na Marianella Danies y alabes ta gradici Marianella pa su aporte na nos deporte di softball.

Marianella lo sigui fungi como un rolemodel estimulando atletanan pa competi. Marianella "Nella" Danies un atleta ehemplar. Danki Marianella Danies pa Bo aporte.

**PUEBLO A HAÑA SU
PEN BEK**

Pa kualkier informacion
solodipueblo@gmail.com

of
585-9500

Tip line 7380101
solo di pueblo@gmail.
com

Solo Local.....

E prome Nominadonan di Poder pa Hubentud ta conoci Juan Pablo Aguirre y Aldrich Dijkhoffw

Poder di hubentud ta un proyecto cu ta wordo presenta pa ATHA y Ministerio di Hubentud formula pa stimula y apoya hobennan pa logra metanan duradero, crea lidernan ehemplar y comprometi.

Lidernan hoben cu por educa, comparti y transferi conocimiento na otro hobennan den nos comunidad.

Un proyecto na unda tur hoben cu ta cay bao di e criterianan presenta door di e comision, por participa pa asina wordo guia y reconoci den un programa cu lo tin profesionalnan cu lo yuda guianan ariba e caminda di liderazgo. E ta un proyecto di duracion largo y cu tin unico meta, beneficia e hoben cu tin e potencial pa crece y desaroya su mes den e ramo cu e ta desea.

Siman pasa a cuminsa saca e prome dos nominadonan pa sera e prome grupo di 8.

Nos ta felicita den nomber di Atha Aruba, Ministerio di Asunto Social y Asuntonan di Hubentud, su Excelencia Minister Paul Croes, director di ATHA Sr Ricky Hoek y henter e team di e proyecto Poder Di Hubentud e dos prome hobennan aki.

Durante oranan di scol, na Colegio Arubano, e team organizatorio acompaña pa miembronan di comision, Minister di Hubentud y director di ATHA Ricky Hoek a sorpresa e prome hoben nomina Juan Pablo Aguirre Broca pa su trabaonan social den nos comunidad. El a bay den un ambiente masha special mes, na unda e hoben a wordo homenahia pa Sr Paul Croes hunto cu e rector di Colegio Arubano, su mentor, su mayornan, e persona cu a nomina Juan Pablo, esta Jeanira Wernet, miembronan di e comision y compañeronan di klas di Colegio Arubano. Juan Pablo a keda hopi contento cu e sorpresa y ta cla pa e reto.

Parti atardi bao di drumband di grupo scouting Ora Ubao, bevers uniforma, Mini mini Baby RCA den uniform, miembronan di Hospibondy y representante di lpa a homenahia Aldrich Dijkhoff.

Na prome instante e no a compronde kico tabata pasando ora el a mira su grupo di muchanan di bevers, RCA mini mini, mayornan, famia y miembronan di hospibondy y sospecha



cu tabata algo special pe. Bao di emocion el a ricibi su nominacion y a bisa cu e lo bay pa e reto tambe.

Dia 12 di Augustus lo mira ken ta esun cu lo gana e 5000 florin den su categoria.

Juan Pablo Aguirre a wordo nomina pa trabaonan social den categoria di 12-17 aña.

Aldrich Dijkhoff a wordo nomina pa trabao boluntario den categoria 18-14 aña.

Tur nominado lo mester sigui cursonan pa asina presenta nan mes den un Youth Summit den Augustus y lo wordo escogi door di hoben

mes y tambe votes riba e facebook di " poder di hubentud" mas e comision. Tur hoben cu a inscribi lo tin cierto charla tambe cu nan por sigui y tambe ta participa den e summit.

E siman aki lo saca 6 hoben mas pa completa e prome grupo. Inscripcion pa grupo dos ta habri caba dus por nomina bo candidato via www.athaaruba.org.



Solo Local.....

Bunita Apertura di Copa ABCS diahuebs anochi riba veld di Kudawecha

Organizacion di Happy Brothers a percura pa un bunita apertura di Copa ABCS diahuebs anochi riba veld di Kudawecha.

Un total di 12 ekipo tabata presente pa e apertura di unda 8 ekipo ta di islanan Boneiro, Corsou y St Maarten. Diahuebs den ora di mainta weganen oficial a inicia mientras cu pa 745pm tabata tin un desfile masha bunita.

Aki a homenahea 2 baluarte na kendenan a dedica e Torneo ABCS esta Lucky Winterdaal y Ronny Gomez.

Ambos palancanan di softball cu trayectoria impresionante. Nelson Tromp a toca e himno di Aruba riba su trompet cual tambe tabata un acto cu a resalta.

Endy Croes presidente

di Aruba Softball Bond a hiba un discurso splicando cu Aruba Softball Bond ta sostene tur competencia pa cu desaroyo di softball deseando alabes tur ekipo hopi exito. MC Poy Flanegin a lesa CV di ambos baluarte unda den presencia di nan familiares nan a wordo reconoci.

Prome cu a bay over na lanza e prome bala familiares di Poy Flanegin tabata tin un sorpresa planea y a subi tereno pa duna Poy "himself" un reconocimiento prepara cu hopi amor pa henter famia.

Claro esaki a cambia e ceremonia den uno emocional momento cu sigur Poy y familiares nan pensamiento a bay riba su querida mama Maka (q.e.p.d). Hunto cu Papa Benny y henter famia a



entrega Poy un potret grandi cu diferente corte di su propio historia den softball y baseball.

Chai Curry di Teremoto di Corsou undi e iniciadornan di Copa ABCS tambe a hiba palabra gradiciendo Poy pa mas di 20 aña compitiendo den Copa ABCS.

A recorda con Bubies Gomez (q.e.p.d) a bin cu e idea hunto cu su ruman Ronny Gomez y a contact Chai na Corsou y Freddy St Yago di La Sonrisa di Boneiro y aki ta unda e famoso copa a inicia.

Copa ABCS ta celebrando nan di 32 aña di existencia. Pues un vision consolida.

Ronny Gomez a lanza e prome bala unda Lucky Winterdaal a fungi como bateador mientras

Chai Curry tabata e catcher pa asina duna inicio oficial na Copa ABCS 2015 organiza pa Happy Brothers.



Solo Local.....

5° CAMINATA GUBERNAMENTAL

Fecha: diabierna 22 mei 2015
 Start: 5:30 pm
 registracion 4:00 pm
 Ruta: Brandweer – Linear Park – Brandweer
 Prijs: Afl. 5,=

Pa ticket y/of info na Directie Financiën:

Brian 5223330 – Arminda 5223361 – Elynson 5223324

Maruska 5223341 – Bianca 5223345 – Clarissa 5223370

Email: info@finance.gov.aw

Organisa pa Activiteitencommissie Directie Financiën



RUBIANO CARWASH

SITUA DILANTI DILANTI DUSHI LIMPI LAUNDRY
 RIBA CAMINDA GRANDI DI SANTA CRUZ

Tur auto ta wordo laba pa

Afl.25,- sooooo!!!

Laba paden + pafor.
 (Oferta pa tempo limita)

Habri tur dia NONSTOP 8.30AM - 5.30PM
 Pa mas info. por yama: 745-2682 of djis drop in.

BACKHOE & BOBCAT SERVICES

Lanta sushi, rosa tereno, Coba pos
 pa fundeshi, santo y piedra
 Pa mas info yama 593-5050 of 592-1116

TA BENDE
 MINI COOPER 2008
 DEN PERFECTO
 CONDICION
 PA MAS INFO
 YAMA 6401304

R.A.M. Muffler
 Center N.V.
 Balashi 78 - Tel: 5858900

Pa tur problema di muffler pa bon prijs y
 calidad pasa serca nos riba highway di
 balashi

Dialuna - Diabierna
 8:00-12:30 - 1:30-5:00
 Diasabra 8:00-12:00



NEWS ON

NEWS ALERT


'Boletin Extra den bo celular'

Keda informa di loke sosede
Abona ta gratis

Manda un sms na:

Setar - 9595 - Skirbi - News on
 Digicel - 5555 - Skirbi - News on

Solo Local.....



PAROKIA SAN JUAN PABLO II, TANKI LEENDERT, ARUBA

Tanki Leendert 279. Tel: 587-9767 Email: parokiaTL@yahoo.com

Programa celebracion prome aniversario di Parokia San Juan Pablo II

Dialuna, 18 mei 2015
Santo Sacrificio di Misa den bario:
(7.00 pm)

Famia Jacobs na Tanki Flip 20-A

Diamars, 19 mei 2015
Rosario (6.30 pm)
saliendo for di cas di famia Trimon-Figaroa, Tanki Flip 38-A, pa misa y despues sigui pa *Santo Sacrificio di Misa (7.00 pm)*

Diaranson, 20 mei 2015
Santo Sacrificio di Misa den bario:
(7.00 pm)
Famia Lee, Catiri 5-C

Diahuebs, 21 mei 2015
Santo Sacrificio di Misa (6.30 pm)
Specialmente pa muchanan cu a haci of ta bay haci nan
prome Santa Comunión

Diabierna, 22 mei 2015
Santo Sacrificio di Misa den bario:
(7.00 pm)
Famia Boekhoudt, Tanki Leendert 247-A

Diasabra, 23 mei 2015
Santo Sacrificio di Misa (6.00 pm) na Spaño

Diadomingo, 24 mei 2015
Santo Sacrificio di Misa (9.00 am)
Celebracion di e prome aniversario di parokia San Juan Pablo II y sigui despues cu un brindis pa tur presente.

"Dios rico den misericordia drama bo bendicion ariba nos" (Juan Pablo II).

Campeonato Heineken di ASB ta inicia

Diabierna awor 22 di Mei grandioso apertura di Campeonato 2015

Aruba Softball Bond den pleno preparacion pa cu apertura di su grandioso campeonato HEINEKEN di fast pitch cual lo inicia diabierna awor na veldnan na Pos Chikito.

Pa 7pm lo inicia cu un bunita desfile di tur e ekiponan den tur tres Liga. Femenino AA, Masculino A-Klas y AA. Esaki lo tuma lugar riba e veld grandi. Madrinanan di cada ekipo lo wordo introduci riba un Harley y despues lo bay over na canta himno di Aruba.

Campeonato 2015 ta wordo dedica na 2 baluarte di softball Sra. Marianella Danies y Sr. Ramiro Lopez. Ambos cu un trayectoria y aporte hopi largo na e deporte

di softball. Despues di discurso di entre otro presidente di ASB lo homenahea y reconoce nos baluartenan y lo bay over na lanzamiento di e prome bala pa asina declara oficialmente campeonato 2015 como inaugura.

Mesunmomento Campeon di 2014 femenino Jaguars lo enfrenta sub campeón Aruba Bank Tigers riba e veld chikito pa prome wega valido di campeonato

2015 y tambe den Liga masculino lo tira lot pa e prome wega cual lo tuma lugar riba e veld grandi.

Pueblo di Aruba den su totalidad ta keda cordialmente invita pa bin disfruta hunto cu nos un bunita apertura y goza alavez di dos prome partidonan di campeonato. Softball competitivo a la carga y lo inicia diabierna awor 22 di Mei.



2 persona color scur encapucha a pasa ranca celular for di homber

Diadomingo atardi a drenta informacion di un otro caso di atraco den Kerkstraat. Mesora a dirigi un patruya na e sitio. Na yegada di e patruya a bin compronde cu un homber Venezolano cu tabata wardando algun persona pa bay come, mientras el a bay p'afo pa ricibi yamada di su kerida mama for di Venezuela, diripiente a haye cu 2 persona di color scur encapucha un na cora y e otro na strepi blauw cu blanco, a ranca su celular for di dje y a core bay direccion Ranchostraat. El a purba bay nan tras pero a perde nan for di bista. Ta trata aki di un celular Samsung S3 color blanco.



Solo Local.....

Arubiano Quincy Breell cu medaya di oro na Grand Prix International

E Arubiano, Quincy Breell a sa di pone cara di Aruba na halto durante e gran Prix International, cu a tuma lugar na Cartagena Colombia, caminda cu e mester a competi cu atletanan for di Venezuela, Puerto Rico y Colombia mes.

El a sa di gana un medaya di oro y tambe a bula un record personal cual ta e record nacional tambe.

Cu e bon presentacion aki, Quincy ta logra cualifica pa e weganan Panamericano na Juli cu lo tuma lugar na Toronto, Canada.



Chauffeur a baha caminda y a bay dal riba un palo di luz y a resulta herida

Diasabra madruga a drenta informacion di un accidente cu hende herida na Sasakiweg pazuid di e cruzada bafnda di House of Cheng. Mesora a dirigi tanto polis como ambulance na e sitio. Na yegada di e patrulla a bin compronde cu e chauffeur a baha caminda y a bay dal riba un palo di luz. E impacto tabata basta fuerte y e chauffeur tabata keha di dolor. Na yegada di e ambulance nan a atende e victima y a transporte pa hospital.



Ta bende

Chihuahua puppies mix
Pa mas info yama
5922622

Ta busca pa huur Un apartamento comodo pa un pareha serio

Pa mas informacion yama 6416051

Ta bende

BBQ GRILL TIPO CILINDER pa 250,- fls
Tipo cilinder mediano 200 fls. tur ta duradero
Made in Aruba
Inf. 5938182

Ta huur

1studio
Wc cu baño
Na Savaneta
750,00 inclusief
awa gas cable y
coriente.
1 luna borg

santa cruz carwash

SITUA DILANTI DILANTI DUSHI LIMPI LAUNDRY
RIBA CAMINDA GRANDI DI SANTA CRUZ

**Tur auto ta wordo laba pa
Afl.30,- sooooo!!!**

Laba paden + pafor.
(Oferta pa tempo limita)

Habri tur dia NONSTOP 8.30AM - 5.30PM
Pa mas info. por yama: 745-2682 of djis drop in.

Orange matras

Olijfistraat 23- D

Tel: 588-7468 / 592-3344 Nos tin tur
size di matras y box y tambe nos
ta fura matras- box -set di sala-
comedor-TV chair. Pa bo ta drumi
dushi



Daily, Mon to Sat, 2:30PM & 9:00PM, Sun at 2:00PM

Winning Numbers:
Saturday, May 16 | Draw # 5569
Evening Draw

1 2 1 2 3
2 5 9 4 2
3 9 3 6 0

Winning Numbers:
Sunday, May 17 | Draw # 1151
Midday Draw

1 9 5 9 3
2 9 9 9 0
3 1 5 6 4

[More >](#)

Daily, Mon to Sat, 2:30PM & 9:00PM, Sun at 2:00PM

Winning Numbers:
Saturday, May 16 | Draw # 4813
Evening Draw

5 6 6 1

Winning Numbers:
Sunday, May 17 | Draw # 1151
Midday Draw

3 5 0 4

[See all results >](#)

Daily, Mon to Sat, 2:30PM & 9:00PM, Sun at 2:00PM

Winning Numbers:
Saturday, May 16 | Draw # 1150
Midday Draw

0 8 9 1

Sign: **Cancer**

Winning Numbers:
Saturday, May 16 | Draw # 3372
Evening Draw

4 4 5 8

Sign: **Aries**[See all results >](#)

Daily, Mon to Sat at 9:00PM & Sun at 2:00PM

Next Jackpot
Monday, May 18

Afl. **66.000,-**

Next Draw: 22 hours and 3 minutes

Winning Numbers:
Sunday, May 17 | Draw # 3347

12 14 26 28 29

Rollover

[See all results >](#)

Wednesday & Saturday at 9:00PM

Next Jackpot
Wednesday, May 20

Afl. **210.000,-**

Next Draw: 2 days 22 hours and 3 minutes

Winning Numbers:
Saturday, May 16 | Draw # 1588

03 04 20 29 30 18 B

Rollover

[See all results >](#)

Diabierna, 19 Juni, Gana 3000 den full card bingo na Club Trappers. Bingo di dia di Tata. Animacion: Grupo di Betico

17.05.2015 Diadomingo

DIARIO

7458

7827

2941

16.05.2015 Diasabra

6470

4498

17.05.2015 Diadomingo

4 SKINA

3832

16.05.2015 Diasabra

8303

17.05.2015 Diadomingo

STO DOMINGO

1684

2864

2577

17.05.2015
Diadomingo

CORSOW

7458

7827

2941

16.05.2015 Diasabra

6470

4498

5150

BOTICANAN:

Maria 585-8145
Di Servicio Noord 586-4606
Seroe Preto 584-4833
Fergusonstraat 583-0620
Kibrahacha NV 582-2007
Oduber NV 582-1780
Paradera 588-6638
Santa Cruz 585-6890
San Lucas 584-4830
San Nicolas 584-5712
Santa Anna 586-0027
Trupial 582-8671
Eagle 587-9011
4 Centro Medico 584-5779
Aloe 584-4606
Central NV 585-1965
Dakota NV 588-7364
Del Pueblo 582-1253

POLIS:

Orañestad 100
San Nicolas 104
Sta. Cruz 105
Noord 107
Tip-line 11141
Brandweer/Ambulance 911
Guardacosta 913
Seguridad National 11911
Hospital 527-4000
Centro Medico 524-8833
Setar storing 117
Web Storing 525-4600
Elmar storing 523-7147

Agencia Funeral:

The Olive Tree 584-8888
Ad Patres 584-2299
Aurora 588-6699
Mementomori 582-2222

Fundacion:

Cas 584-2050
Fada 583-2999
F A V I 582-5051
Famia Planea 588-9591
Autismo Aruba 588-1179
Pa Hende Muherr 583-5400
Pa Hubentud 588-6138
Bloedbank Aruba 587-4260
Solo di Pueblo 585-9500
Canal 22 585-9500
Tip pa redaccion 592-6895

Botica na Warda

Yama pa informacion na
Horacio Oduber Hospital:
527-4000

Dokter na Warda

Con pa
abona na
Solo di
Pueblo?

Facil...

Yama nos
oficina na 585-
9500 y nos
lo entrega
bo corant
tur mainta
tempran den
bo porta di cas.

Costo di
Abono: Afl.
35.00 pa luna



D'-Licious Live
4 YEARS
CELEBRATION PARTY

AT PASEO BALLROOM PASEO HERENCIA
TIME: 9PM - 3AM

V.V.K 20 DOLLAR AT DOOR AFL 45,-
FOR V.I.P CALL +297 630 3645
SPECIAL FL. 25

D'-LICIOUS - MC OZ
& COSA BUENA
FROM CURACAO
DOLCE BAND
ESTA DUSHI TA BAILA...

Aruba Softball Bond hunto cu SV Royal Power y HEINEKEN ta anuncia



Champ of the Champs 2015

"The ninth Edition" 29 Juni pa 5 di Juli 2015



Teamnan cu ya a confirma: Destroyers y Suffisant Eagles (Curaçao), Farah, Los Francos y Cabayeros De Merida (Venezuela), Los Fuertes y Cristobal (Republica Dominicana), dos sorpresa Canada y USA. Keda pendiente!!!!!!

TRAPPERS CLUB

- Fiesta, reunion, ricibimento, bruid, fiesta grandi o chikito.
- Workshop, reunion, reunion deportivo, encuentronan di iglesia.
 - Area openlucht ta acomoda 1000 persona
 - 2 Sala cu 3 airco cu ta acomoda te cu 400 persona
- Area openlucht cu stage, pa festival, iglesia, fiesta familiar
- Remodel'a Situa pariba di Botica Central, pabao di veld di Rockets @ Sta Cruz 748-8280

NO ENFRENTA CANCER DI PECHO BO SO

Adress: Sabana Blanco 8 Tel: 588-9999



Solo Local.....

Durante e di 6 Gold Coast Taekwondo Cup 2015

Grand Master Chaco Jose Cornelio a sali best referee y Dr. Guaicaipuro Jimenez a sali best Coach

Un di e tareanan na tur campeonato ta pa fungi como referee na unda cu tur wowo di pueblo ta ariba bo y ta focus riba bo, specialmente e coachnan cu ta coach nan atletanan.

Tur coach sa protesta ora cu tin un of mas incidente durante di e peleanan, unda cu nan ta kere cu tabata tin un head shot

of ora cu mester haya un punto extra. Aki ta na unda e coach su peticion sa wordo discuti cu tur e refereeenan, si e ta haya razon of no. Diasabra ultimo den Centro di Bario Brazil tabata tin hopi participante y fanatico cu nan wowonan ariba e evento. Ora a puntra e publico kende pa nan ta e mihor referee di dia,

tabata scucha e nomber di Chaco ariba tur e otronan. Esaki tambe tabata algo bisto, no ta por nada e ta cargando e nomber di Referee Olimpico y Hall of Famer.

Dr. Guaicaipuro Jimenez ta un di e coachnan cu a mantene su mes

na e reglamentonan di campeonato. Cada coach di cada team tin e mesun oportunidad pa demostra cu nan ta e mihor coach di e campeonato. Esaki tin di haci di con bo ta coach, 18 aña ariba, serbete cu bo awa hunto cubo y si bo ta bisti apropia pa coach bo atleta. Den tur e 8 coachnan cu a coach nan atletanan, Dr. Guaicaipuro

Jimenez a demostra di tabata completamente prepara pa coach su unico atleta. Dr. Guaicaipuro Jimenez tabata bon bisti cu su bachi, mientras cu tur otro coach a bay cu trainings pak of paña di Taekwondo bisti. Aki no tabata tin nada di discuti, Dr. Guaicaipuro Jimenez a gana su premio di best coach bon mereci.



Solo Local.....

Polis den accion relampago a logra detene hoben sospecha di a destrui un auto staciona na Oranjestad

Diabierna atardi a drenta informacion cu tin un hoben a caba di destrui un auto den Oranjestad y ta canando den Layex Building. E sospechoso aki ta bisti cu bermuda

short geel cu un jacket shinishi. Un testigo a sigui su tras y a avisa polis cada momento unda e sospechoso tabata bay te ora cu el a subi den un auto shinishi y a subi

hunto cu otro persona coy J.G. Emanstraat bay pariba. Polis a logra intercepta e auto aki net un poco pariba di Thiel Corporation su oficina. Aki nan a logra detene

e sospechoso aunke e dama cu tabata cu e hoben a reclama severamente y hasta a purba stroba trabao di polis. A avisa e testigo pa bay na e auto y avisa e doño pa e bay

na warda di recherche na Frankrijkstraat unda e sospechoso tambe a ser hiba pa e investigacion.



Polis a bay interveni den pleito di famia na Sabana Blanco cu a escala y bira pelea familiar

Diabierna atardi a drenta informacion di un pelea formal na un cas na Sabana Blanco. Mesora a dirigi un patruya na e sitio. Na yegada di e patruya ya e pelea a termina pero polis a papia cu ambos partido y a

splica nan e forma corecto pa resolve nan asuntonan sin tin mester di recurri na violencia.



Solo Obituario.....

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haya forza".
Salmo: 23

Cu hopi tristeza pero conforme cu boluntad di Dios
Nos ta participa fayecimento di:



Elvis E. Kock

Mihor conoci como: "Iki"
*29-05-1970 - †13-05-2015

Acto di entierio lo wordo anuncia despues.

Señor ta mi wardador, mi'n tin falta di nada, den
cunucu di yerba berde. E ta pone mi sosega. E
ta hiba mi na awa trankil, pa mi bolbe haya forza.
Salmo:23.1

Cu inmenso tristeza na nos curazon nos ta participa
fayecimento di



Cecily Juliana Canhigh

*31-08-1942 †17-05-2015

Acto di entierio lo wordo anuncia despues.

The art of Engraving NV
Engravings on marble - granite- mirrors-
wine glass
wood-metal-designs
photo ceramic and much mor
Rooi Afo 33c Paradera
TEL:5884433/7413449/5934757
email: theartofengraving @hotmail.com

Invitacion

Pa un Santo Sacrificio di misa pa recorda 5 aña di fayecimento di nos difunto stima"

Maria Francisca Croes – Everon

"Maira di Shell, Machi"

E misa lo tuma lugar dia 18 di Mei pa 6:30 di atardi na Misa Inmaculada Concepcion
na Santa Cruz. Aunke tempo pasa bay "Machi" semper lo ta den mi mente y curazon

Sigui drumi dushi den braza di Señor.

Na number di su nieta Mila y demas Famia.



"Señor ta mi wardador, mi'n tin falta di nada Den cunucu di yerba berde
e ta ponemi sosega. E ta hibami na awa trankil, Pa mi bolbe haya forza".
Salmo: 23

Cu hopi tristeza pero conforme cu boluntad di Dios



Nos ta participa fayecimento di:

Nicolasina Jesus Bustten

Acto di entierio lo wordo anuncia despues.

Solodipueblo@gmail.com....

Chauffeur a perde control y a bolter na e birada banda di Bushiri

Diahuebs mainta tempran a drenta informacion di un accidente unda un auto lo a bolter den e bocht na Bushiri. Mesora a dirigi un patruya na e sitio. Na yegada di e patruya a bin compronde cu aki ta trata di un accidente unda e chauffeur di un Mitsubishi Pajero A7496 cu lo a perde control na e birada y lo a bolter. Un hende a resulta levemente herida cu un rasca na su man pero no tabata desea atencion di ambulance.



Cas na candela den Caya St. Lucia

Diadomingo merdia a drenta informacion cu tin un cas na candela na Caya St. Lucia. Mesora a dirigi tanto polis como bombero na e sitio. Na yegada di e patruya a bin nota cu aki lo por ta trata di un candela intencional y a solicita presencia di recherche na e sitio.



Chauffeur a baha caminda dal basta fuerte cu su pick-up

Dialuna madruga a drenta informacion di un accidente cu hende herida na Bubali. Mesora a dirigi tanto polis como ambulance na e sitio. Na yegada di e patruya a bin encontra cu un pick-up cu lo a dal riba un troncon di mata. Pero no tabata tin ningun persona den auto y esaki tabata na lock pero por a deduci cu e impacto fuerte e chauffeur sigur lo ta herida. Un testigo a pasa avisa polis cu tin un hende herida ta canando bay zuid

banda di e Veld di Bubali.

Mesora polis a bay controla banda di e veld y a bin topa cu e chauffeur canando bay zuid. Polis a atende cun'e y el a admiti di a accidenta cu e pick-up pero mirando e ta herida a solicita presencia di ambulance. Na yegada di ambulance nan a atende e victima y a hib'e hospital. E chauffeur a keda di bin busca e pick-up den oranan di dia.



Antisocial a purba di destrui glas di e porta di Footfit pero no a logra

Diasabra madruga a drenta informacion di un caso di intento di kiebrot na Footfit riba L.G. Smith Blvd.. Mesora a dirigi un patruya na e sitio. Na yegada di e patruya a bin compronde cu un homber bastante bao influencia a pasa wak e portar y despues a bolbe cu un bloki pa purba destrui esaki pa drenta paden pero como

cu e glas di e porta ta resistente e no a logra destrui esaki y djey a bandona e sitio lagando e daño di destruccion atras. Un camara di seguridad a capta tur e movecion aki y nos ta muestra esaki pa tur hende sa ken e antisocial aki ta.

